

續輯漢陽縣志

地260.17

38

即18

續輯漢陽縣志卷之十八

鄉賢志敘 宦績附

士君子遭遇良時展其才用不獨聲施竹冊譽播四方也亦其所居閭里津津口頰矜式勿替者流風餘韻爲最永焉茲邑山水雄深所產俊乂皆瓌瑋英傑卓然以勳績表見大者銘於金石編於史窳次者亦於其踐職分猷之地謳吟不絕至於枌榆鄉井之間聲望尤隆比其沒也大吏上其事於朝得從祀鄉賢聿昭寵異於是邦之人益相與流傳

續輯漢陽縣志

卷之十八 鄉賢

一

歌誦不置其有老成耆宿未邀斯典者亦羣奉其遺言往行尊爲矩矱嗟乎緇衣好善高山景行有心者皆然非獨出於鄉里之私也明矣今彙輯之得預從祀者居前他則按科第先後焉抑又推論之諸賢克副名實矣其有起家仕宦身都通顯楷模雖未彰於閭里勳望則已耀於州邦斯並國人所誇詡未可聽其姓字長湮也沿舊志例附采宦績或卽古人冠蓋名里之意乎志鄉賢

明

升成化以後開折正德末年漸至銀四錢五分嘉
靖二年議增至七錢五分商人苦本色之難及包
攬之害雖勉強上納而實非其情也况又被權勢
占賣展轉增價至一兩以上乎兼之兩浙長蘆醜
搭商人照價中出減半發賣積等准鹽而價已增
倍督糧衙門兼有例外每鹽勸借米一斗官既重
取於商商必重取於農其害大矣乞勅戶部復本
折之規減長蘆之配以少甦淮鹽之苦凡節費省
緡羨銀六十八萬以佐邊餉回道數月復出按四

川時雲南土舍安萬銓作亂會兵討平之芒部隴
氏以爭承襲不明都指揮何卿主討之而設流官
其酋隴政等益叛匿於是滇蜀皆擾朝議紛呶金
乃與巡撫唐儀鳳會議處芒部七事一曰因地方
以定土流言芒部異域苗性異類不必執改流之
說拂其故性二曰順夷情以續絕世言隴勝乃隴
壽所出爲部落推服當順其情以一官授之三曰
尊威令以示懲戒言既改芒部爲鎮雄府今其官
可復其名不必更四曰存四司以專責任言芒部

延袤數百餘里難於約束當存四長官司分理之
五日明賞罰以定夷情言阿濟之罪可以功贖若
以往者僞報沙保必欲究治恐失其心六曰嚴守
備以塞禍源言畢節爲諸夷出沒之所川貴之藩
籬也當命整飭威靖兵備駐劄安莊以制安南一
帶而於貴州添設僉事一員專制畢節等處七曰
下重令以戒聯絡言諸夷姻媾往往相助以生讎
怨若水西之於隴壽烏撒之於隴壽烏撒之於隴
政而沙保犯畢節亦由水西誘引宜嚴飭之以離

其黨議下兵部尙書李承勳因力言用兵耗財爲
非而授隴勝一官以收苗夷心設兵衛於畢節同
叅戎於永甯御史金之議皆可採九年革鎮雄府
流官以隴勝爲通判滇蜀罷兵從金之畫也十年
入爲大理卿兼副都御史出撫四川督木川人饑
請帑金二十萬爲賑從之二十二年詔爲右都御
史仍掌大理寺事明年甲辰遂任兵部尙書兼督
團營是時北邊爲俺答所擾警報沓至世宗知金
材故委焉金乃條奏備邊十二議曰別武材稽分

領寶缺伍選民兵修戰車撥養馬備關隘重墩臺
謹盤詰處降人養死士選士兵悉受命酌行之十
月蔚州告急世宗諭金以盡力金對言敵無遠志
今會銑遏其西維昂備其南鄭重制其東王儀擊
其北而翟鵬居中調度各鎮關口嚴兵分襲萬一
越關深入則畿輔當清野戒嚴團營之兵秣厲待
遣可保十全上皆從焉二十四年春復上言紫荆
密雲係國門之屏藩而宣大偏關又荆密之捍衛
請勅重臣躬往相度亟爲繕築上乃命侍郎路迎

兼僉都御史以往諸關遂成巨鎮金立朝未久言
者忌而攻之乃以閑住歸旋以疾卒詔賜祭葬金
喜爲古文詞熟典故兼精星象堪輿之學歷官中
外三十餘年多所稱述立身清苦當事明晰諸所
指劃利害爲法於世卓然名臣也所著有三難軒
集使蜀稿海防稿江西詩記官滁集棘署餘聞藏
於家祀鄉賢曾孫自成

傅桂字汝芳其先臨川人徙家漢陽正德甲戌進士
知陳畱縣招集逋逃復藩府侵漁民業役法獄事

講求畫一縣以大治有議調桂劇縣者陳畱人號於巡按御史乃止不調擢雲南道御史覈儲關陝躬履塞垣巡按雲南督察官吏簡勵兵衛全活冤獄竟以勞疾武宗南狩三上疏諫不報世宗新政六上疏陳大計臺端重之未展其能而卒居鄉慕大厓之道義居官慕王端毅恕之德望嘗曰使我有希文之位置義田不難可以想其品矣祀鄉賢子兆

朱衣字子宜武昌衛人生有雋才與弟表裏表擅

續輯漢陽縣志

卷之十八 鄉賢

六

名江漢表裏皆舉於鄉襄早卒衣中正德庚辰進士辛巳殿試授江西道監察御史時茶陵張文毅公治蒲圻廖學士道南沔陽童庶子承敘皆以文章重於詞林衣遊其閒甚相得也巡視西城卓有政績清戎江北值大饑人相食以便宜賑濟全活甚眾是時方爭大禮世宗召羣臣議闕下衣直言與永嘉張相孚敬忤孚敬恨之嘉靖五年會推督學畿內有得士聲益爲永嘉所嫉明年孚敬以兵部侍郎掌都察院事反妖人李福達之獄遂罷衣

等御史十一人職家居二十年以器識德量薦者
二十餘疏卒不獲召用衣與永嘉同榜徙因公論
乖違以招傾跌一擊不中沉淪泉石構亭北望題
以未老鬚眉淹日月有時魂夢傍君王之句識者
悲焉衣性篤於孝友立身醇潔里人有以私干者
絕口不應尤工詩文郡志最爲典則至今稱之祀
鄉賢

李芑成化庚子舉人性清謹不樂仕進閉門課讀寒
暑一卷不輟而扶危濟困尤爲鄉里所頌祀鄉賢

續輯漢陽縣志

卷之十八 鄉賢

七

李簡字惟賢正德庚午舉人除知巴縣多惠政以辟
地功陞簡州牧未抵任道卒貧無以殮巴人爭賻
之並爲經紀舟車資斧扶櫬歸後與父芑同祀鄉
賢子世鰲

伍偉字良臣童子時有能文之譽弱冠舉於鄉選建
甯知縣聘爲江西分攷得士如劉侍郎懋張方伯
希舉皆國器也由知縣陞同知歷官三十年純德
宏材未究其用學行爲鄉人師朱御史寵曾給諫
庭芝俱出其門著有魯齋小稿四書心會等編今

皆不傳祀鄉賢

朱寵字德承千戶所人嘉靖甲辰進士知海門縣稱饒邑前令每以簞簋損名寵誓清介無染豪貴暴橫民患苦之寵置之法皆斂跡問桑麻興學校杜吏胥之奸革里甲之濫海門大治課績第一擢監察御史海門人爲祀名宦不忍其去也旣入臺適分宜柄政縱孽子肆奸蔽政以賄成寵草疏欲劾之甫脫稿而父艱聞乃痛哭扼腕去國人謂其忠直可泣鬼神居鄉閉戶屏跡與馮山張緒講求姚

續輯漢陽縣志

卷之十八 鄉賢

八

江之學家貧糧絕不顧終無能干以私者乙卯疾瘵藩司高其誼陰餽金五百爲殮具力疾却之其操尙如此寵與前御史衣並以品望標重於明世宗之時衣忤永嘉寵怒分宜皆不得竟其用雖所遇之人不同而蹉跎晚節困抑山林一也時人目衣曰東朱寵曰西朱稱別山漢水二先生祀鄉賢弟字見文學

王秩一名斛字伯庸其先隨州人徙漢陽父教以太學生爲甘州經歷投劾歸夢鶴而生秩舉嘉靖甲

辰進士舉主華州王太史維楨甚愛秩以衣鉢門
生期之初令天長潔已愛民練達如老吏丁內艱
歸起補婺源益持風節莫敢撓適朱子廟火族人
有盜文公像謀襲博士者秩知之斷令宗子襲焉
時望雪至是大雪民歡呼以爲令君瑞歌謠善政
多至成帙已而內召將去民卽境內四公祠益秩
爲五歲尸祝之擢戶部主事改吏部留心人材極
力延訪歷員外考功郎中盡剔蠹政己未分校禮
闈得士咸爲名臣居部久部事倚之以辦而嚴嵩

續輯漢陽縣志

卷之十八

鄉賢

九

父子竊權與錦衣陸炳中璫黃錦相表裏以所難
者強秩秩弗能忍遂決意去舉鄉人劉公應峯自
代升太常少卿乃調河東叅議致政歸里居三十
載足不涉公庭口不挂時務孝友醇潔於人無忤
人亦莫敢忤卒之日囊無遺金人咸稱之祀鄉賢
子廷彥孫大縉皆貢士四世裔孫德冲康熙丁酉
舉人

曾廷芝字子先嘉靖癸丑進士知昌邑擢工科給事
中奏修河防議增屯田水利專設憲臣督理悉爲

世宗嘉納陝西宣府兩巡撫賑饑多侵牟權相庇
之廷芝獨不承意旨奮疏劾二臣遂被嗾出爲浙
江僉事益以守法不合謝疾久之楚撫按交推轂
起知漢州興革扶抑振勵士類復遷浙憲以歸居
鄉無惰行無窾言樂成後學賑困矧乏邑人賴焉
年八十有五卒追贈中順大夫祀鄉賢子文彥官
通判

蔡結字國凝嘉靖癸丑進士知東鄉縣調臨海嚴明
果斷二邑皆立生祠擢江西道監察御史巡按廣

續輯漢陽縣志

卷之十八

鄉賢

十

東蕩滌大憝海南清宴監試鄉闈一榜最稱得士
出厯藩臬以卓異薦陝西行太僕寺卿晉階正三
品告歸巡撫李禎疏薦有介不收諸鄉閭而身勞
課穡念日關諸里甲而力贊平徭之語稱實錄焉
祀鄉賢從弟幾

蕭良有字以占號漢冲世爲江西廬陵人曾祖樂甯
徙漢陽文寺山父達以貢士官泰安州同知良有
生而穎異以神童名年十一爲郡諸生十二應省
試中副卷偉貌高論自監司以下皆愛重之嘉靖

甲子連江吳司馬文華督學試楚拔良有及京山
李維楨蘄水朱期至列異等語人曰三少年皆奇
才可爲國家慶果於是科同中式良有年僅十五
數上公車不第益肆志讀書與弟良譽遊南監祭
酒許文穆國奇其文一時名士在畱都者焦修撰
竑鄒光祿觀光劉主事廷蘭皆與納交而兩蕭之
名遂譟海內萬曆庚辰申文定時行主會試立限
字令以正文體得良有爲第一是時江陵當國大
璫馮保欲以狀元私其子時行爭之不能得殿試

續輯漢陽縣志

卷之十八

鄉賢

十一

讀卷置良有一甲二名江陵子懋修竟元矣江陵
愛良有才而心愧之良有與同榜顧端文憲成魏
主事充中遊以名節相期許江陵亦不善也適以
內艱歸一歲而江陵敗良有起補編修纂會典進
修撰充經筵講官時爭以攻擊江陵爲事良有獨
持之曰江陵非奸相也稍持權而驕耳今旣反其
糝政收其廢賢足矣奈何復令聖主有辱大臣老
母偃子名哉許文穆深是其言上疏止攻者楚人
得無波累而攻者側目良有矣建儲議起良有上

書於申文定以爲大臣所不可拂者人主之意而尤不可失者天下人之心今日人心且何如也閣下當力請冊立之期與主上定成約以爲社稷計得則留不得則去母負公論而履危機文定爽然旋去國焉辛卯升中允管司業事壬辰八月進洗馬充日講官撰進講章獨當上意癸己遷論德兼侍講編纂章奏而王文肅錫爵再相主并封三王之論良有與詞林上疏固爭又同馮文敏琦諍於文肅以會典條示之事乃止甲午遷庶子仍兼侍

讀乙未遂領國子祭酒慨然曰北李南陳遺規可倣也杜干請嚴考課六館凜凜向風定京省取士之法以實監中部議悉以爲當良有在史局十五年益負公輔之望自閣部卿寺以至臺省凡關國家大計靡不咨詢於良有者性善接士大夫於時政多所指摘而人不能容給事葉繼美劾良有侵六部權旁及鄉人常吏部道立等不報良有具疏辯奉溫旨遂再章乞歸養乃得報馳驛暫還而削繼美籍公論尙譁然不平良有家居八年而卒天

下皆以其未竟用爲惜也良有天性孝友直諫文章操筆立成高風朗韻卓識大度久踐清華敷歷中外其立朝丰采彪炳史冊居鄉惠愛膾炙人口戊子甲午典試燕浙丙戌己丑分校禮闈取士數百人而孫太傳承宗朱少保國楨孫宗伯慎行陳司馬道亨張太僕輔之呂僉憲兆熊王僉憲司任陳大綬區中允大相尤以文行著稱焉所著玉堂文章幾百卷未行世而兵火僅存什一天啟初以講帷功贈禮部右侍郎廕一子賜祭葬祀鄉賢弟

續輯漢陽縣志

卷之十八

鄉賢

三

良譽子丁泰引萃

蕭良譽字以孚別號漢穎生而端敏受業於伯兄萬歷丙子舉於鄉隨伯兄遊南雍祭酒許國司業張位皆器重之名讓吳越居然機雲軾轍也庚辰與伯兄俱成進士授戶部主事典試陝西歷官員外郎中知甯國府以公廉自誓加意教養權門要津懷不敢犯郡有旱澇禱之卽應與推官高安朱吾弼講學敬亭并及民間疾苦又大會耆儒於永西書院作詩以紀其盛一時彬然號宛陵鄒魯良譽

惡道學標榜入京以卓異紀錄家宰陸光祖孫鑑
前後推舉陞河東提學副使再補廣西論文之外
務以正學迪士士皆改趨焉告病歸久之起官河
南參政丁父艱而卒年四十有七秦志稱良譽操
尙磊落了無梯磴可攀有大是非排眾而定進人
之賢解人之難賙人之急憫人之苦率施於人之
所不知朝野倚重如金玉焉尤負知人之鑑宣城
湯司成賓尹方困諸生一睹其文卽以大魁期之
且曰異日當以文名世吾兄衣鉢屬在子矣踰年

續輯漢陽縣志

卷之十八

鄉賢

古

而賓尹果第世詫爲奇識陳溧陽名夏亦嘆曰漢
穎知言哉知人哉一時李大叅若愚吳太守嘉謨
等皆受賞識終身稱弟子云著有過庭代對錄

李鍊字東泉太常宗魯之父性倜儻好節俠濟貧周
乏家中落弗恤居恒不喜近貴人賢士大夫皆禮
敬之以子宗魯貴贈如其官

李宗魯字學仲先世江南徙漢陽九真山爲巨族宗
魯始以文顯萬曆癸酉鄉試擬第一當事者疑其
卷太奇抑而魁其曹明年遂成進士出田侍郎一

儁之門授中書舍人五載畱心舊章尤精邊事朝
士言典故者皆詒之萬曆八年擢兵科給事中以
名節爲己任侍講經筵漸負物望考察軍政一意
執法無所徇忤政府出爲浙江僉事政主嚴明吏
畏民思建祠東湖以祀會浙兵變辱撫臣所守郡
去會城七百里倉卒不及援亂已解而諸暴兵所
過縣村殘破諸道使者約縱去宗魯獨嚴爲諭小
有犯治以法兵遂不敢犯台紹秋毫嗣新督府至
監司例謁會浙復民變縛直指辱藩臬宗魯趨救

續輯漢陽縣志

卷之十八

鄉賢

五

諸亂民望旗幟舍戈呼曰李青天救我徐徐諭以
利害直指乃得釋不意心反啣之其及救不論功
其未及救擬失律張忠定佳允執不可曰此番定
亂者何人乎迺調蒼梧兵備副使致仕歸自二十
四歲登第三十四歲挂冠居林下三十年創義田
設塾學賑貧乏撫弟與友之孤易簣時以勿忘爲
善戒子若孫祀鄉賢子若愚

李若愚字知白號愚公少從張緒講學博聞強記文
譽籍甚中萬曆己未進士授溫州府推官平反殊

死以下數千人辛未分校浙闈時冢宰趙南星總
憲高攀龍推東南賢者首及之卓異赴考選值逆
閹逮楊左媚璫者指爲楊璉死友遂觸閹忌謫常
州教授尋遷國子監博士復遷刑部主事值江西
積欠金花銀五十餘萬兩羣奸促閹言於部欲以
立限督催中之乃行催一月如數解完莊烈帝踐
祚諸賢上被抑始末擢禮部員外因旱陳言請誅
魏黨許顯純等七錦衣以慰忠魂比顯純等伏誅
甘霖大沛尋陞工部虞衡郎中轉營繕掌印庚午

續輯漢陽縣志

卷之十八

鄉賢

六

主廣西鄉試調掌武選出爲南瑞叅政興利除害
講學澹臺祠典江西拔貢試他如發賑保障偉績
良多巡撫解公將舉以自代遽告病歸講學睦族
居鄉可風癸未召補太僕寺卿以老不赴晉大中
大夫著有證學編太極圖義等諸書詳見王世顯
行狀祀鄉賢子四人應橘中書見文學孫十人橘
長子昌祚大理寺卿

李應橘字敬仲由明經選授中書祖宗魯曾居此職
以故熟諳典章輯遜國遺事補外史所未備歷任

三載旋解官歸里著述自娛卒以子昌祚貴贈中憲大夫大理寺少卿康熙中與父若愚俱從祀

秦聚奎字仲默一字因應先世自南昌徙漢口生而岐嶷端重讀書里塾有黃冠摩其頂曰科第人也少嬰羸疾且殆每夕就枕覺有物匿榻側鷄鳴始去病已卽不復來以此益自負神宗萬曆庚子舉於鄉辛丑成進士授績溪知縣調吳江邑多貴族遊閑公子閭兒奴客飲博夜聚一切以法繩之邑中肅然謗議羣起遂自請改教職不可移令蓋屋

續輯漢陽縣志

卷之十八

鄉賢

七

久之陞刑部主事值辛亥大計京邸官先是御史金明時巡按順天曾劾吏部侍郎王圖子寶坻知縣元抃及圖當佐察典明時懼有報復陰謀攻圖會祭酒湯賓尹庚戌分考亦與圖不合或疑給事王紹徽御史喬應甲等皆黨賓尹附明時於是尙書孫丕揚劾明時阻撓大計暗連賓尹諸人而聚奎素不滿孫王所爲疏謂明時阻撓大計殊無實指圖等巧欲中傷以肆其憤吏部並論撓察典聚奎復疏入神宗意頗動夜漏且盡持欲下者數四

翌日乃從閣擬令聚奎閑住而賓尹紹徽等凡七人皆去位聚奎歸且十年光宗卽位詔求直言放棄諸臣尙書周嘉謨特薦起光祿寺丞丁內艱熹宗天啟癸亥服闋入朝爲言官所攻移病去乙丑又起順天府丞踰年陞府尹時魏忠賢子良弼封侯開府議毀京兆之陰陽學以廣其居聚奎疏言皇上不惜茅土之封臣何敢愛尺寸之地但事關國體臣死不敢奉詔必欲請旨令璫給價度地而後與之寮屬懼禍及或謂休聚奎不從竟得請忠

賢黨人苛歛門稅聚奎復疏奏歛重民窮大觸忠賢怒奪職以歸初聚奎之建言於辛亥也與東林諸君子意見不同頗受譏刺及楊左摧敗王紹徽喬應甲皆以附璫致大官而聚奎乃與忠賢忤識者謂其前不妄附君子後不淩於小人孤行一意節概皎然雖漢之申屠蟠唐之白居易未能遠過也烈皇帝初以科臣薦徵拜太常光祿太僕諸卿皆不起得旨致仕優遊林下足不入公府齒不挂時事惟與蕭方伯丁泰吳太守極爲性命友訓子

延煜爲名孝廉卒年七十有五著有勿忘集還齋
稿聞見錄日記等編

謝燭字斗南性篤孝親沒廬墓風雪不避萬厯戊午
以明經授江油令時奢酋作亂燭修城埤嚴守禦
一夕火光四起離縣僅十餘里眾謂城危士女奔
竄燭捧印端坐詰朝無事還者感泣賊平歸林下
十三年卒崇正時崇祀

張士彥字恢浩性孝友置義田延塾師以仁其族明
末驛苦撫兵彥鬻產置馬應之流寇起修水陸二

續輯漢陽縣志

卷之十八

鄉賢

九

岩俾鄉得保妻孥以子三異貴贈中憲大夫

張京字肖極先世家黃陂後遷漢陽柏泉里父以無
子禱於木蘭山真武廟夢神指傍侍大將曰以爲
爾子乃生京爲諸生卽以經濟節義自任萬厯戊
午舉於鄉授三原縣教諭屢遷至延安府同知洪
文襄時爲三邊總督器之薦擢洮岷兵備副使癸
酉闖賊陷秦列城皆潰京收殘卒轉徙兵閒閒關
入蜀走重慶時張獻忠已破成都畱賊劉廷讓守
之川撫馬乾副總兵曾英襲取其城適京至約共

爲守順治三年張獻忠敗其黨孫可望李定國率
潰兵突至重慶曾英馬乾皆戰歿京走入山唐王
授京巡撫京乃收合餘燼期規全蜀南中尋以詹
天顏范光炎爲川南川北兩巡撫事權不一終不
能有所爲桂王卽位武岡爲

大清兵所蹙時孫可望李定國僞奉永曆正朔思反
正京勸以勤王則推戴始真孫李雖依違未行而
桂藩實藉以牽制

大兵加京兵部尙書七年秦將袁韜武大定等各擁
續輯漢陽縣志

卷之十八

鄉賢

三

重兵與楊展互爭雄長李乾德從而交煽之呂大
器田一蘅文安之以督師至俱不能約束齊一也
京以故巡撫居其閒招集散亡聯絡諸將時王光
輿郝永忠劉體元袁宗第托天寶譚宏譚誼譚文
等俱在川東京勸以耕閑田自給毋輕擾民民漸
復業兵勢遂盛所謂十三家兵也南與滇黔遙爲
聲援京亦結營江南岸順治九年內院洪駐長沙
經畧兩廣慮京撓其後遂繫京長子邦憲於獄遣
京幼子邦甯致書於京招之曰能倒戈相向卽待

以元勳京覆書曰累朝厚德遺澤在人今雖避地西南昔之銅馬巨來猶思革心助順矧台臺爲先朝簡畀又旌麾在楚決不東征不穀堅貞盡瘁以捍牧圉撐住西川半壁妻子匪其所計陝西總督李國英亦爲閒諜招之皆拒不納十四年平西王吳三桂由漢中奉命征滇蜀逕進烏撒重慶畱偏師時孫可望已前降唯西山十三家尙結寨自固京贊文安之督體元宗第等合兵十二萬以水師圍重慶旣而誼文交惡譚誼單舸至譚文營殺文

復懼文安之之討偕譚宏降於總督李國英安之率潰兵走入山寨總兵都督張宿給事中謝佩勸京亦去京曰若等善爲謀余年八十殉國已晚能不改衣冠見先帝地下於願足矣麾下兵皆散卽有地可往人誰與守越日吳三桂兵至擁京去勸之降授以官皆不應遂賦絕命詩一首彌月悲歌待此時成仁取義有誰知衣冠不改生前志名姓空畱死後屍破碎山河休葬骨顛連君父未舒眉魂兮莫認還鄉路直到朱陵禮舊碑遂悒悒而死

國朝

吳有成字大初其先新安人父仲依外氏遂占籍漢陽有成天性孝友贍族睦鄰多隱德萬厯閒中官陳奉督楚礦稅急有成寓書其幕客多所保全康熙中從祀

吳正治字當世號賡菴順治己丑進士選庶吉士厯侍講出爲江西叅議分守南昌歲暮吏旣休沐單騎行部查刑獄凡非法淹繫者悉令釋去在任旬月劇盜盡平遷陝西按察使甫下車校閱舊案得

續輯漢陽縣志

卷之十八

鄉賢

三

一紙其科罪皆法所不宥竟未理意必地方巨憝賄謀沉摑訪之果然庭鞠立寘重典百姓稱快尋擢工部侍郎調刑部康熙改元江南諸生二百餘人進糧已完逮至盡擬監候時漢官例不啟奏正治強滿侍郎入白曰第言之若詰責罪當坐我用是得放遣又議奉行赦款宜速丈量田地宜停狀外指板宜禁私嫁條例宜酌皆切中時政丁外艱服闋補督捕侍郎專司逃人立法最嚴奸猾藉以肆毒一經妄扳里井騷動因率同官合詞陳請除

連坐十家之例陞都察院左都御史奏止北直四州縣增設官兵進工部尙書改禮部凡朝貢慶賞諸大典禮考據古今沿革事宜綱舉目備多所定正拜武英殿大學士值秋審讞決一重案幾數十人

聖祖顧問曰此囚尙可活乎咸對情實正治獨奏

皇上一念好生臣等敢下奉行德意退卽細勘得可矜狀遂從末減丙辰甲午主鄉會試得人稱盛舉博學宏詞以彭孫遜名上遂首選而實未識面也

續輯漢陽縣志

卷之十八 鄉賢

三

太祖高皇帝實錄成以總裁官加太子太傅後以病乞休溫旨慰留賜予便蕃屢疏陳請着以原官致仕年七十四薨

賜祭葬諡文僖正治生平孝友接物敷歷四十年不爲崖異之行取士薦賢一秉虛中子四人宗邵光祿寺丞僦儻有材幹早卒宗勳國子監學正

熊伯龍字次侯號鍾陵其先進賢人祖士章隨父任楚府典寶遂家漢陽與江夏郭正域任家相遊稱名諸生父鳴盛天啟辛酉舉人不爲仕進生子三

次仲龍三叔龍伯龍其長也幼聰明過人下筆天然風韻九歲遊泮庭訓嚴六經子史及諸大家文旁搜強記文尤刻厲十一歲命作天下歸仁題三易稿達旦始罷後會輒佳乃啖以棗栗遇名師宿儒亟令請業又簡江漢能文者二十二人朝夕磨礪稱尊社聲譟東南順治戊子貢入成均試第一時傳其文陳深水見之曰此吾故友也蓋深水向遊漢上有文章知契先未謁見至是始往故云是科中順天舉人明年己丑進士榜眼及第授編

續輯漢陽縣志

卷之十八

鄉賢

十四

修伯龍以文自負在館中凡制冊詔誥多出其手典麗禡皇名儕燕許從無飲食交遊徵逐之習惟以著述爲業砥礪名節爲心以是受

眷日隆歲甲午典浙江試其試錄敘云臣不敏獨窺人於筆墨若懸衡然力倍臣者俯之數倍臣則臣俯至地蓋謂以身取人也文不拘一格而諸體悉備爲從來掄才所未有得士中狀元者三乙未史大成甲辰嚴我斯庚戌蔡啟樽中探花者一張天植令浙中猶歷數之提督順天學政盧公明潔相士

如神得人極盛歷遷侍讀學士及官祭酒識精法
肅六館凜凜向風己酉年五十卒於京邸入館閣
二十年中閒乞假歸三年生平無他嗜好自少至
老篤學不厭制藝衣被海內家絃戶誦奉爲矩矱
本朝制科以熊劉開風氣之首垂今二百餘年乾隆初
諭正文體猶首舉之可謂不朽之業矣詩古文詞晚年
始出其集收入四庫全書中伯龍無書不讀尤熟
於紀事本末一編歿時惟以不得澤及生民爲恨
願職在翰苑制冊文章與夫以人事

續輯漢陽縣志

卷之十八 鄉賢

五

君遴拔人才諸事所謂鴻筆之人國之風雨不得以爲
非事業也子正笏戊午舉人孫祖旋辛酉舉人義
烏知縣祖旂廩生見文學

張三異字魯如號禹木少偕兄苦志肄業長爲諸生
負氣節敢言敢爲而居心坦易父歿兵燹遺命薄
葬三異曰遺命固然人子之心能安耶不敢儉兄
弟相成以孝聞爲文未嘗立稿而經術湛深與熊
劉齊驅中順治戊子鄉魁己丑成進士初任陝西
延長縣值旱蝗露禱驅蝗捐資賙糧施粥平糶全

活者眾延民爲建生祠後祀名宦陞任南陽郡丞
時宛有拐河響賊庾從受多年負嶠三異創議先
剿後撫且請居前鋒遂密購鄉導由欵徑入四鼓
腳枚斫柵搗其巢擒之及旦招諭羣黨分別脅從
悉釋歸農歡呼滿野其他治績載南陽名宦錄任
福建邵武丞例考上等郡人立祠在長虹橋陞任
浙江紹興知府初任延長及南陽邵武時凡歷年
大獄人所不能斷者一見卽了多所平反有片言
折獄之稱刊雪史初二編遠近傳播及守會稽治

續輯漢陽縣志

卷之十八

鄉賢

三

聲愈著又刊雪史續編兄弟二四早歿餘俱高年
友愛無間人稱同胞四皓胞姪十有七人每分腴
田三十餘畝永佐膏火修饗堂置祭田助婚喪周
閭里惟日孜孜年八十有二卒祀鄉賢贈通議大
夫所著有癡龍集詩詞

張仲璜字半玉號別麓三異中子生而穎悟嗜學過
目輒記弱冠旁搜博覽下筆驚人深爲同里熊公
伯龍吳公正治所推重嘗相謂曰吾輩當讓此人
出一頭地然卒數奇屢躓棘闈以明經授梧郡司

馬時父禹木春秋高不忍遠離辭不赴任父勉之
乃留妻侍奉單車就道抵梧值流亡甫集爲政一
以簡肅慈愛熨貼而撫育之數月教化大行粵西
有積盜盤踞山谷屢捕不獲制府知其能委任焉
仲璜密行偵訪悉得其主名窟穴親裹糧入險阻
搗其巢面縛五十餘人置之法盜風遂靖制府驚
以爲神調值季務更多平反其居桂林時會廣備
告匱各管譁然仲璜微聞其事急反梧預發常平
米支給諸士卒帖息旣而設法購補倉儲無缺

兩署府篆一攝蒼梧道又大蓉山伏莽蠢動出潯
而下仲璜密有警偵飛檄蓉藤岑溪諸要害設伏
守險以計擒其魁餘眾解散其經濟皆此類制府
論功方擬疏薦會丁父艱力辭乃止解組時梧士
民遮道泣送追隨至百里外哭拜不忍去立碑建
祠請祀名宦歸里以不能奉親含殮哀毀骨立迨
服闋而病益深遂不能復任居家好施予族里親
故有婚喪不能辦者悉量給之不責其償生平惟
以著書爲事尤盡心於廿一史彈詞註搜羅考訂

三易稿而成今行世餘詩古文未刻而流傳於外
者人多珍之卒年七十餘贈通議大夫乾隆十一
年崇祀鄉賢子五坦含羅田教諭坦宏庠生早卒
坦麟康熙辛卯舉人內閣學士兼禮部侍郎江蘇
江西巡撫坦聰康熙庚子副榜雲南路南知州坦
熊康熙辛卯舉人雲南按察使司

江浩字肖峯幼失怙事母以孝稱有汪姓寄金三百
兩遠出十餘載始歸仍以原封付之正浩家焚燬
無餘時也明末荒歉捐資施賑全活甚眾康熙二

續輯漢陽縣志

卷之十八 鄉賢

三

十八年從祀

江殷道字九同順治戊戌進士除高州推官歷蘇州
督糧同知以卓異陞九江府晉分巡饒南九道副
使籌策轉運兵餉無匱辛亥歲大饑捐貲賑粥全
活無算省民船捐屯糧修學課士保障潯南多善
政陞本省按察使未任卒子蔡藻芭莪

江繁字采伯康熙壬子拔貢令靈寶邑爲秦豫衝途
吳逆之叛轉輸絡繹人勞地荒積逋纍纍繁下車
廉得其苦繪圖請大吏入告得

旨允減歲額銀九千四百五十兩屢年虧額銀二萬七千八百有奇民困始蘇歡騰闔邑奏最擢監察御史先是會試邊省每脫科疏請會試復於南北中卷中分東南西南東北西北左中右中等號計卷數爲中額遠方僻省乃不致遺棄實繁啟之巡理長蘆漕政通積引恤窮竈尤卓卓有稱累官都察院左副都御史生平敦氣誼喜施予推產讓諸弟俸入卽分給宗族親故獎掖士類不遺餘力年六十三卒崇祀靈寶名宦士民復建專祠尸祝之

續輯漢陽縣志

卷之十八

鄉賢

完

項誠字勗存其先徽州歙縣人父璘貿遷漢鎮因家焉誠以歲貢生循例由內閣中書授戶部郎中警敏有才凡所司錢穀額數支給運畱款項毫粒之分罔不默記大司農雅推重之一月三經保舉出爲四川順慶知府蒞事精明民不敢欺有婚姻構訟十年不解誠片言折之調守成都御河从淤捐養廉貲疏濬以便舟楫商民感悅壬子計典誠膺卓異御事矣猶力爭於巡撫活誣獄一人至京病卒成都士民請入祀名宦

李昌祚字文孫掉鞅文壇名動海內中順治壬辰進士選庶常時楚省旱甚昌祚與總憲趙開心連名籲請得

旨准減田租之半散館

授檢討

世祖章皇帝謂翰林官教養有年習知法度

授河南分守河北道卻餽遺息爭訟清風勁節民歌思之遷浙江杭嘉湖道政聲卓著未三月

簡授大理寺少卿盡心平反一秉忠恕伸孝子復讎之

續輯漢陽縣志

卷之十六

鄉賢

三

義辨愚民聚眾之誣引經折獄稱神明焉時宋荔裳以于七案株連繫獄禍且不測昌祚細心研鞫悉其蜚語所中皆伊姪挾嫌誣告爲之力請於

朝

恩准昭雪昌祚之力爲多蓋居官不立崖岸而獄獄不苟同者卽此可以概見旋晉正卿遽引疾歸卒之日

恩賜祭葬入祀懷慶湖州兩郡名宦祠子必果官生恩監見文苑

蕭芝字昆田號嚴齋邑人幼穎異十歲能屬文十六
補茂才乾隆己卯省試第一庚辰成進士以庶吉
士授翰林院檢討充文淵閣校理內廷方畧館纂
修年三十四有聲輦下一時名士皆樂從之遊歲
丁酉歸持父服服闋以母太恭人年老請終養侍
親十年丙午母卒辛亥乃人都供職王子授山東
道御史轉四川道御史嘉慶丙辰元年逢

國大慶正月初四日

上皇帝開千叟宴於甯壽宮芝年六十預焉拜

續輯漢陽縣志

卷之十九

鄉賢

三十一

御製詩章鳩杖之賜己未科會試充同考官得趙敬襄
等十二人遷工科給事中轉吏科掌印給事中癸
亥

上幸翰林院以故翰林預宴復拜

御製味餘書室全集筆墨等件之賜甲子致仕乙丑冬
十月卒於家年八十八其官給事中也於嘉慶初
奏釋安南纍臣黎炯等四人歸國七年奏截畱湖
南漕米接濟湖北是年冬又奏移兩淮鹽義倉穀
以接濟江西均蒙

允行著有巖齋筆談等書行世

葉繼雯字桐封號雲素宋時石林先生其遠祖也考
廷芳繼雯生庭訓綦嚴年十八補諸生食餼乾隆
丁酉科選拔貢生 朝考二等一名補通山教諭
丁外艱匍匐歸入門哭踊氣塞昏絕良久救之乃
蘇蔬食屏鹽酪者百日比葬攀柩哀號哀服半漬
血痕廬于墓者三年大母程太恭人沒哀毀如喪
父時葬地未卜不寢于內五十年冬署蘄水教諭
五十一年邑大饑鬻產捐三千金佐賑施藥及楫

續輯漢陽縣志

卷之十八

鄉賢

三

邑人繪像祀之歷任江夏等邑教諭所至皆爲士
林所矜式中戊午科鄉試舉人庚戌成進士授內
閣中書舍人倬百六載韜晦無知者會代擬奏草
爲阿文成所賞是時諸典禮大文字多繼雯撰進
王文端劉文清咸倚重焉充 文淵閣檢閱署侍
讀兼管 誥勅房稽查房中書科事務嘉慶戊午
庚申疊充順天鄉試同考官六年京察一等是秋
充山東副考官其年冬議修會典總裁引充纂修
復奏充總纂修官補軍機章京九年京察一等遷

宗人府經歷司主事十年奏充會典館提調先後
在館二十餘年爲大學士戴文端所專任發凡起
例皆出其手徧引知名士分司之以是一二百年
朝章國典綱目秩然悉歸囊括成書千一百卷在
事晉秩者三百餘人繼雯自辭議敘其不伐若此
又充 玉牒館纂修官先是撰擬 毓慶宮聯句
序稱

旨

上詢撰人姓名朱文正誤舉其字

續輯漢陽縣志

卷之十八 鄉賢

三

上曰非中書葉某耶因 獎其學比彭文勤拜文綺之
賜嘗擬進勅越南國王文

上曰此必出葉某 召見劉太常鳳誥

上語之曰副汝典山東試者葉某也是好翰林今始官
宗人府主事聞者榮之十三年母孫太恭人卒毀
幾滅性奉櫬南歸行至韓莊聞溜擊舟裂繼雯抱
柩號哭聲振河岸漕督薩公彬圖疾呼弁兵護救
登岸繼雯鬚髮盡白抵里營葬卽廬居墓側楚督
汪公志伊遣人造廬手書致唁繼雯素服詣輓謝

卽返汪公追就河千古寺席地對語觀者環數千人爭一識孝子方居憂園樹經年不華及釋服枯木重榮巢燕互乳天香發於墓垣漢水澄清彌月鄉人以爲孝應六年入都調戶部廣東司主事充方略館纂修官遷本部雲南司員外郎又遷四川司郎中直軍機十七年恪勤周慎癸酉聞林逆之變馳入城東華門已下鑰禁兵屯於外詫曰若文官來何爲夜半大雷雨八旗諸叅領曰盍且退對曰脫賊至雖不能武請以某爲牆多而殺二人

續輯漢陽縣志

卷之十八 鄉賢

三四

諸叅領嘖嘖曰奇男子是夕僵踣頰傷血被面凡兩晝夜柴立不知疲越五日

車駕入城卽襪被宿會典館二十四年補山東道監察御史二十五年三上封事皆關 國計

溫旨褒納擢刑科給事中以事左遷員外郎秋

仁宗賓天號慟深切獨居會典館百日乃歸道光元年補禮部鑄印局員外郎旋以原品休致四年鄉人臚

舉孝行聞于 朝得

旨如所請未幾卒京邸繼雯治經尤深三禮論說必宗

紫陽終日凝然座擁圖書燕居無惰容視諸伯叔
猶父無後者爲撫孤女親葬祭江南原籍近支有
孤幼亦依以存立江南清節堂義塾皆爲手定規
條至今奉行友朋風誼尤篤有友病挈醫策騎一
晝夜走三百里視之在內閣京察當遷侍讀請于
大學士以讓同舍劉君錫五著有讀禮雜記朱子
外紀裕林館集四字義試帖詩校注韋蘇州元遺
山集未及卒業以孫貴

晉贈光祿大夫建威將軍體仁閣大學士兩廣總督子
續輯漢陽縣志

卷之十八 鄉賢

三五

一二志庠志銑皆有傳

易元善字石坪嘉慶壬戌進士授編修充日講起居
注官充嘉慶丁卯貴州鄉試正考官己卯陝西鄉
試副考官道光壬午會試同考官所得知名士爲
多歷官翰林院侍讀學士教習庶吉士性方正不
苟言笑見者謂謏謏如長松下風然其引接後進
甚殷勤有持應舉詩文求質正者必爲剖別瑕瑜
且指授以法度至娓娓不倦官都門數十載屢掌
文衡而蕭然如寒素別其勵廉隅敦風槩爲可尙

也已道光二十九年從祀鄉賢子學超道光戊子
順天鄉試舉人官湖南桂陽直隸州知州

續輯漢陽縣志

卷之十八

鄉賢

三六

宦績附

晉

朱伺字仲文安陸人張昌之亂伺恥與同縣求割安陸東界別為潯陽遂為潯陽人伺有武勇而訥率部黨滅昌後陳敏作亂陶侃署伺為左甄破敏前鋒敏弟恢稱荊州刺史在武昌侃率伺進討破之敏恢既平以功封亭侯領騎督隨侃討杜歿有功夏口之戰射殺賊大帥數人賊於水邊作陣伺邀之箭中其脛氣色不變賊潰追擊之死者大半加

續輯漢陽縣志

卷之十八

宦績

一

威遠將軍建興中陳聲斷江抄掠伺邀聲弟斬之圍聲於董城其黨斬聲出降又平蜀賊龔高加廣威將軍領竟陵內史杜曾等陷楊口壘伺被傷賊養伺妻子百口遣人招伺不從還甌山卒晉書本傳按朱伺晉書載安陸人而歸卒甌山又在今川邑故舊志屏而未錄然潯陽實今邑境故遵通

志補人

宋

張錫字貺之其先京兆人曾祖山甫徙漢陽錫由進

士知新州遷太常博士監染院詔選能吏知畿縣
乃以錫知東明始至令其下曰吾所治者三恃力
恃富恃贖歲終以治績聞爲監察御史丁謂貶崖
州議還內地錫疏謂奸邪與天下棄之今復還違
天下議由是徙雷州玉清昭應宮災連繫甚眾錫
言天災反以罪人恐重天怒願修德以應之獄遂
解後爲京東轉運使淄青濮鄆諸州人冒耕河壩
地數起爭訟錫命籍其地收租絹歲二十餘萬訟
者亦息屢遷龍圖閣直學士進翰林侍講學士判

續輯漢陽縣志

卷之六

官績

二

太常寺國子監卒贈尙書工部侍郎厚重清約雖
貴奉養如少賤時讀書老而彌篤初舉廣文館進
上考官任隨以爲第一及隨死無子屢賜其家

胡霖字作霖由鄉舉任潭州通判文章政事大著於

時

明

程瑞洪武初知南豐州及本郡爲政廉謹不以一私
自黷辨色卽起視事日晏方罷隨事立剖庭無畱

贖

陳文通洪武中以國學生授廣東道御史考察江西湖廣河南官僚有聲擢廣東按察使以服色違制謫戍後二年起復彰德知府建文時靖難師南下文通閉門抗守文皇嘉其節方欲召用旋卒裔孫琬璽

江恕洪武中初令福清調崇明善判斷民不敢欺稱神君焉歷任台州知府

曹體仁洪武中以儒士官東平知州廉能慈惠有古循良風

續輯漢陽縣志

卷之十八

宦績

三

計珩永樂中由明經歷官御史以直諫忤旨罷歸

張敏永樂中爲工部司務以才望出守曲靖軍民府有善政遠近懷服秩滿進陝西苑馬寺卿後致仕卒

易東字景暘成化丁酉舉人選新甯教諭性質直不苟歸田甘貧自守楚平蠻鎮遠侯顧溥延東訓其子士隆於講授外一無所干請後士隆繼父任威名操履有古名將風皆東所造就裔孫見龍萬歷壬子舉人道沛見後

彭楚豪字彥卿正德閒以明經歷官知州心行醇樸
蘊藉宏雅歸田三十餘年享壽九十有一食貧力
學至老不衰

李世鰲字宇載萬厯壬午舉人學本實用不喜浮飾
江夏郭文毅雅推服之初知來安以廉謹稱內署
濬智井得大石覆白金盃亟捨之曰此非貧吏
所宜得擢守太倉州州煩劇號難治多橫強魚肉
小民有武弁恃閹宦勢奪寡嫂產誣及帷簿因私
人屬鰲鰲佯諾庭訓時數其罪冥諸法自是豪猾

續輯漢陽縣志

卷之十八

宦績

四

斂跡久之坐文毅門戶罷解纜時一道士附舟從
人不可鰲納之行數日盜來劫不知其無有也舟
中皆惶懼失措道士徐起出兩鉞於袖圓五寸許
繫以銅索迭爲收放爛若電光擊數人於水餘乃
散鰲扣之道士曰吾公部民感公廉所以報也長
揖竟去鰲子白玉見文學

傅兆字以行嘉靖甲午舉人爲梁山令賦性耿介不
營一私修郡志討論摭采其功居多

王家賓字獻廷萬厯己酉舉人父瑚卒廬墓二年性

剛介自持己丑考選當入南臺同邑魏黨潘士聞
在垣中因捕糧事厄之出知陝州均徭薄斂以卓
異舉會新撫檄建魏璫生祠投筆不署曰家賓楚
人也死無以見楊大洪於地下遂被劾子士謙見
懿行士乾孫戩俱見文學

劉體元字嗣卿幼聰敏涉目成誦年十三爲諸生有
聲萬厯丙子中鄉試厯定興良鄉涇安三縣令皆
有善政以廉州府同知致仕

常道立字五嶷萬厯庚戌進士除青陽令調祁門皆

續輯漢陽縣志

卷之十八

宦績

五

清慎明允丁內艱起知固始報最陞吏部稽勳司
調文選時選政倒置加意釐剔忤權貴降南直別
駕晉溫處道革陋弊禦倭寇諸郡服其神明轉甯
海副使甫蒞任卒

吳可敷字肩五性嗜學博綜淹雅以詩古文知名萬
厯壬子舉鄉試除瑞金令興學校剔奸蠹賑饑償
逋決獄無死刑蒞官二載丁母憂哀毀成疾卒

吳嘉謨字績可與兄嘉言俱受業於蕭大叅良譽華
亭董宗伯督楚學試漢陽愛李若愚及嘉謨拔第

一因共下帷讀書萬厯丙午同舉於鄉丁未嘉謨成進士授知新建縣書其堂曰耐煩而勤其民如家捕平茶嶺保寺橋嵌山諸盜修築長豐圩隄二十餘里戊申大水拯溺萬人力請蠲賑邑乃忘災新學宮育異才姜曰廣萬燥譚貞默諸人皆受知焉以卓異召爲戶部主事遂由郎中出爲揚州知府自誓廉正人莫敢干人覲便道歸里病劇卒兄嘉言由貢士任臺州別駕勤吏事陞紹興府同知鄉里同稱孝友名賢子守中由恩貢仕黃安教諭

續輯漢陽縣志

卷之十八 宦績

六

吳嘉言字蒙若由明經任臺州通判厯署臨海黃巖諸縣篆清峻愛民勤於吏事以督糧山海關功陞紹興府同知

王著字本誠嘉靖壬午舉人知南豐縣刁弊難理著一本公勤絕竿牘謝苞苴剖決如流卽重創無後言者三年政聲卓越巡按御史薦諸朝方待擢遽移病歸

孫世恪字貞伯萬厯己酉舉人究心理學旁及天文風角兵律諸書無不淹貫初任長沙教授國子監

學正時傳熹宗將幸太學有期矣世恪獨曰帝座未移期安可信已而果然楊漣劾魏忠賢疏甫上祭酒蔡毅中率世恪等並叅奏忠賢矯旨切責毅中引疾去世恪亦丁艱歸崇正初工部主事轉南京戶部郎中值寇警鄭尚書三俊集公卿僚屬諮畫兵事咸唯諾不敢發一言世恪奮袂直前談論疊疊洞古今適機宜三俊大悅欲薦之未果尋落職閑住卒之日飲水七晝夜鼻垂玉筋人以比朱文公云

續輯漢陽縣志

卷之十八

宦績

七

李國祚字岷岳性豁達不事生產讀書觀大意萬厯閒以明經授潛江訓導陞新甯令蜀中地僻民澆輕生健訟國祚蒞任清里甲釐馬政理冤滯一時奸猾震悚民間有鐵耳公之號後改襄府相不就龍相字立公萬厯壬子舉人教授成都陞龍川令時鄒四鼻鄒豹子等負隅倡亂梟猛不可敵相合兵設奇討平之邑有毒草名鉤吻愚民相鬪不勝輒采食以圖賴相懸賞募眾徧厯山谷掘去其根殆盡甘澹泊歸田四十年布袍蔬食不異諸生時以

上壽終弟柱

龍柱天啟閒恩貢任成都訓導分考鄉闈稱得士陞陸川令興學育才戢盜勤民安撫徭獍尤有聲

劉定勳字謙甫崇正庚辰進士任常熟令邑爲漕司治所每歲終兌支旗丁橫肆魚休莫敢誰何定勳按法繩之衛弁斂跡僉解白糧一祛從來積弊調繁吳江卒

宋灝字又素崇正壬午舉人授徐聞令以廉明威怒自勵沒於官

續輯漢陽縣志

卷之十八

宦績

八

王維祐字培梧飭躬端謹鄉里稱爲長者中萬厯己卯鄉試任鳳翔司李沈寃大辟皆賴平反直指屬媒藥某別駕維祐不順竟挂庇僚之議士民寃之爭相走訴直指諒其無他乃以卓異聞陞石屏州牧自矢曰地瘠官自清苗頑德可化遷汾州郡丞旋擢安順軍民府蒞任數月解組歸

戴自成字哲之萬厯乙卯舉人選涇陽縣諭崇正辛未成進士授刑部主事厯員外郎中錄審江南人推平恕除守徽州一切以安靜治之己卯建陽軍

變巡方陳起龍委鎮兵譁勞瘁卒於仕

王一麟字景仁嘉靖己酉舉於鄉任臺州同知清戎伍勾逃亡兼司海防釐革冒破之弊盤查列郡追完侵那數萬金請豁軍徒百數人又錄方孝孺後以示風厲晉鎮遠知府均賦簡訟苗彝帖然卒於官弟一鵬鵬子軫見文學

陳琬字廷珍成化丙午與從兄璽舉於鄉初爲睢州學正遷杭州教授性剛行潔董士以正士風爲之不變璽官西充知縣

續輯漢陽縣志

卷之六

宦績

九

王廷彥由歲貢授荊州訓導博學篤行以孝稱尤介於取與在荊州日署內窖金掘得之麾而不顧後任者竟以此致奇禍人皆服其廉明

蕭達字文谷爲諸生有聲與甌山張緒遊雅知性命之學家故饒嘗兩捐千金賑邑饑由明經同知泰安州多惠政以爭利害於上官不合拂衣歸賦詩讀書至老不倦卒年八十有五子良有良譽見鄉賢

蕭丁泰字吉甫少從父讀書京師爲顧憲成所賞中

萬曆辛丑進士授行人擢兵部主事典陝西壬子
試陞郎中轉參政兵備江陰進山西右布政移陝
西左使天啟中魏忠賢竊柄羅織清流丁泰廉正
無援乃謝官歸莊烈帝御極起陝西右布政使改
山西左使再入覲以交盤茶馬事調廣東右使尋
遷貴州左使丁泰立身清苦六任藩伯歷四省豐
財節用支給邊儲皆得要領晚入黔省值水西叛
與總督朱燮元調兵合議勦撫以勞瘁卒於官子
驥彥

續輯漢陽縣志

卷之十八

宦績

十

蕭驥彥字千里天啟丁卯拔貢考授通判崇正丁丑
省親於黔總制朱燮元見之偉其幹畧以將材題
請改授遊擊從都督范廷弼討苗中阿秀等計擒
之擢叅將屢立戰功加副總兵鎮守六廣河苗旋
綏附獻賊據四川南掠貴州彥分部精兵與戰三
戰三勝賊絕莫敢犯貴境陞貴州總兵官都督僉
事挂平魯將軍印鎮守廣東未行而卒子延昭鶴
慶知府廣昭貢生企昭見文學廣昭子元亮見後
蕭引萃字正子以父廕入太學仕都察院經歷陞戶

乙丑夏告請歸里當道慰畱嘗批其牘尾云篤實
爲政平易近民地方正喜得官安可引疾遽辭隆
慶時入武宣名宦祠其紀實政有曰復狼兵陸平
之月糧則優卹軍屬懲市棍袁沛之告訐則禁止
暴亂辨黃秀才盜情之枉則疑獄明正武千戶疎
情之罰則曠官儆仁里甲則撫字勞催科拙卽應
值役者無秋毫之擾厚學校則課士勤作人遠致
入成均者有春風之頌云云

吳嵩字中山索河人嘉靖癸卯舉人甲辰恩詔進士

續輯漢陽縣志

卷之十八

宦績

三

除蕪湖令清慎自矢官吏指爲神君士民呼爲慈
母以上等奏最澹於宦情解組歸惟以書史自娛
卒年八十有八

劉一晉觀光之子少有膂力英勇過人明末隨李兵
部勦賊奮勇爭先屢著戰功授守備不仕歸

國朝

吳宗豐字揆俞康熙丁丑進士選庶吉士改補大同
知縣性慈祥不輕事鞭扑嘗拈子爲政焉厝殺作
制藝以自惕徒步問民疾苦民不知爲長吏陞汝

州牧呈吏議未任宗豐博雅好學文有典則初罷以事謁上官語不及他惟出文稿請正詩亦清麗可誦歸之日廚無宿糧猶咏吟不輟其坦率類如此年八十二卒子廷俊貢生廷揚知縣

張如榜字憲卿早年苦志下帷督學水公拔列第一食餼爲漢庠名士登丙戌賢書以外艱公車未赴戊子同弟三異聯轡北上兩躡禮闈乃就選得粵東晉陵縣蒞任一年不事鞭扑民呼慈父以海逆之變部議解組聞命之日擔簦出城童叟爭攀轅

續輯漢陽縣志

卷之十八

宦績

三

請畱多泣下者後事白得另補如榜高蹈不出晦跡里門三十餘年足不入城市昆季怡怡樂善不倦逾九十之辰郡守戴公贈額以爲人中麟鳳云張伯琮字璧九號鶴湄三異長子克承家學年二十中康熙丙午鄉舉考授中翰久之外補盱江同知蒞任三載以內艱歸服闋補滇臨安兩任同知上官器之畱會城讞獄允協辦公刻期稱才吏焉其尤著者雲貴制府以剿撫魯魁山賊事委任不以兵力身入賊巢推誠置腹眾遂歸化秩滿擢福州

知府未任丁父憂起補撫州絕餽送革陋弊勸農
桑周補助六邑士民向風任內兩舉卓異

特放陝西榆林道捐俸墾荒彛漢夥耕如一家苦寒邊
塞噓作陽春晉河南臬司廉積案得情一空狂狴
尋奉

旨坐遷藩司會有鹽民亢珽拒捕事各持一說勦撫無
定議伯琮談笑閒遶能員擒巨魁豁脅從於是四
境帖然西征軍興勞費不貲悉中州籌畫遣解民
不知役再護撫印課吏勤民著有豫省奏議老至

續輯漢陽縣志

卷之十八

宦績

古

決計歸田優游林下賦詩見志年八十有五卒子
七人天訓貢士象州知州坦讓舉人江西吉安府
知府坦議陝西甘州府知府天謨康熙癸巳舉人
江西奉新縣知縣坦諤康熙癸巳舉人見文學坦
諫陝西漢中府同知閻廕生

張叔珽字方客學行俱優屢薦棘闈不售由明經授
徽州郡丞攝篆東流蠲除蘆課邑人德之例擢知
府告病歸籍生平見善必爲宗族里黨頗蒙其惠
年七十壽終有鄴嘯集詩文行於世

張天訓字伊庭孝友承家儉勤律已博聞強記以明
經任象州知州善政多端上官嘉其績調橫州廉
能勤敏竟不永世鄉里惜之

張坦快字居易少秉奇姿屢躋棘闈以明經任光祿
寺署正頗著賢聲卒於京邸惜未竟其用

張顥睿字道存生而顥儻持己端方居家和藹由明
經初任黔陽教諭陞安陸府教授學優行篤頗書
上考陞授安肅知縣政績和平洗滌煩苛邑人感
德而尸祝焉晚年雅志恬退告老家居四鄉子弟

續輯漢陽縣志

卷之十八

宦績

五

飲食教誨多所成就年九十三無疾而終

張佐瑞字左人天資渾樸好義力學幼治母喪必合
古禮由明經初任羅田教諭施州衛教授丁外艱
補武昌府教授克端師範上憲嘉其績在任闢父
訃匍匐歸里隻身廬墓著思親十二時諱語極悲
切年八十卒於官署

張佳瑞字冀階生而英異十四補弟子員初授荊州
府學訓導命修隄工勤勞盡瘁上官薦其能陞萬
縣知縣勸農興學風俗丕變值大水疾疫勞來安

集民間有女七人無歸佳瑞恩養之命鄉長擇配以嫁民甚感頌

譚鳳正字韶來順治己丑進士授大理寺右評事執法平允同列交相推重初喪父兩弟童穉正撫之成立季弟鳳祥見文學

易道沛字子然順治己丑進士初任高陽知縣調獲鹿所至詢民疾苦興利除害會歲歉捐俸賑卹并請蠲浮糧以甦積困奏最陞中書科中書轉刑部主事權關滸墅有惠政擢本部郎中典試貴州公

續輯漢陽縣志

卷之十八

宦績

六

明嚴正得人稱盛子枚保安知州敕行人司行人俱能世其家

李猶龍字君御中順治甲午武鄉試舉人乙巳成進士初任開封守備分防杞縣光固諸邑時寇氛四擾飄忽無常巡撫檄猶龍剿之身先士卒轉戰數十州縣直抵巢穴一舉而平以功授固原都司保障嚴密鼠竊斂跡調鎮北直拱極城久之致仕歸能詩善擘窠書晚年以此自娛人以是多之子志

韓壬子武舉

李必昇字臣簡由歲貢授黔陽訓導邑雜苗彝學宮
頽廢必昇蒞任卽捐俸倡修集諸生講習其中文
教一新以子俊有貴贈朝議大夫天津鹽運使司
運同

江藻字用侯由歲貢知龍巖縣接壤漳平前明以地
廣難治割節惠萬安二鄉附之名曰寄莊久之漳
民取籽粒而以正供盡委於龍巖民甚苦之藻請
於上官題免莊米四百四十餘石代賠舊逋三百
餘兩以最擢守陸州俗重利輕信女已字人復用

續輯漢陽縣志

卷之十八

官績

七

厚聘寒前盟藻法懲理諭民俗頓改陞刑部員外
轉工部營繕司郎中監修

太和殿工程奉差督理坐糧廳事文詞寒重孝友清剛
浮沈通路幾三十年解組歸年七十二卒

江芑字豐貽康熙庚辰進士初授汀州同知歲大水
百姓漂沒死亡載道芑捐俸賑濟存活甚眾陞禮
部員外郎轉刑部郎中以

御試優等擢監察御史掌河南道事興利除弊凡奏議
多報可雍正甲辰補癸卯正科爲雲南正考官以

家貧

賜帑金六百兩爲道里費出闈卽授本省糧儲道旋陞按察使詳免白土軍丁糧數千兩後以分賠解任數十年潔己愛民家無儲蓄沒後各僚資助旅櫬乃得還所著制藝疏稿詩文並藏於家

江莪字青芷與兄芑同事帖括中康熙戊子副榜謁選得信陽知州民不戒於火莪率屬以拜反風火止妖爲祟於民家莪牒神妖滅又以夢洗冤獄三辦軍糈傾家以濟丁內艱起補象州民獍雜處鉗

續輯漢陽縣志

卷之十八

宦績

六

制土霸覃姓不使跳梁喬寨村獍拒捕單騎往諭罪首誓服再調永康建義學聘宿儒陸襄爲師數年領鄉薦一人蓋前此絕無有者任滿陞奉天治中未赴卒

汪以淳字淶水順治戊戌進士選授定安知縣平易和惠政聲流溢行取擢吏部主事持衡不爽未幾卒

王世顯字亦世別號僊潛明漢陽知縣薦陞翰林修撰王叔英之八世孫也初叔英靖難死節止一幼

子逃匿故友胡定菴家遂蒙姓胡正統初弛方黃黨禁其四世孫乃復姓王居漢之九真山其先固浙黃巖人父家模漢庠名士隱居講學尋社諸子師事之天崇時世顯與從兄懷人爲清正醇粹之文高彙旃陳百史嘗謂維挽風氣者必瑯琊昆弟也已卯同領鄉薦海內號二王癸未獻賊破武昌世顯與友熊鍾陵同上書於方左二帥恢復之其他論文盟志同學雖多賢而於鍾陵尤兩相契結順治戊戌成進士會墨至今選家以爲楷模庚子

授浙江永嘉令甫三月肅清吏弊軫恤民隱釋三
大冤獄邑有虎日出攫人獵者莫能制世顯曰令
不德所致也爲文告於城隍之神翼日虎死厥後
因一奸商鬻私捕得欲置之法奸商布賄上房愆
魚鹽院以借鹽課四十兩未清細故題叅罷任之
日百姓奔走哀號故趙制臺題復疏內有恐失民
望永勵官箴等語亦廉吏可爲而不可爲也兼以
老母請終養辭不復仕世顯學貫經史文探理奧
同學後進經其指授歷有法度康熙己酉纂修漢

陽府志今所存者惟此本年五十四卒所著有僊
潛文集及時文稿行世弟世篤貢士任辰谿諭亦
有名世顯無子以弟次子啟封爲嗣任杞縣縣丞
華生甫字仲山本蒲姓其先成都人父曰華令豐潤
與勛戚安遠侯柳祚昌忤左遷漢陽經歷晚得生
甫恐及禍故以己名氏之後調陝西華亭死賊難
生甫遂籍漢陽少有雋才入

國朝舉順治丁酉鄉試三上春官不第謁選授閩鄉知
縣多惠政捐俸建麟經閣以訓士子人皆德之歷

續輯漢陽縣志

卷之十八

宦績

三

十二年內陞中書舍人謝病歸

項一經字克贊順治己亥進士令建德閩藩耿精忠
叛邑中不逞之徒竊發以應一經率家健會營將
夜半縋城討平之行取授吏部主事晉郎中出典
浙試朗藻冰操一洗奔競之習外轉南汝道所轄
界連五省羣盜嘯聚殺人於途一經廉得其巢穴
佯清保甲爲名密擒渠魁寘極典餘黨悉遁信陽
民素悍而以力受役者尤排黨肆虐婚喪家非飽
其欲不得舉經以遠近差爲定值勒於石仍極懲

橫索者民感悅之久之遷貴州按察使引年歸子
翽

項翽字西階侗儻有大志以明經授光祿寺丞夙夜
寅恭撝敷侵牟有奸胥藉採辦

上供擾郡邑翽白堂上官重懲之正卿多公號廉靜不
輕赴同官召嘗曰項君清俸所置吾不可不食也
遷刑部員外轉郎中詳慎獄訟至有爰書已具猶
力爭之必更定乃已父一經致政歸翽請終養一
經卒哀毀成疾遂不起遺命割腴田五百畝分給

續輯漢陽縣志

卷之十八

宦績

三

族之貧乏者子鍾嚴嘉興通判鍾建見懿行鍾嚴
子餘全

項鍾嚴字睦州由歲貢授嘉興通判屢運米至通軍
旗蒙德在任八年以潔已惠民爲務性好施予歷
久不倦後以公事解組軍民赴省泣懇

題畱不果抵家偕二三老友觴咏者近三十年絕不
入城市尤喜獎進後學親戚故舊交口稱慕焉

項餘字予望少機敏與弟全有僅何之目由國子生
揀選河務同知初署淮安海防調管徐州府邳睢

靈壁保固隄防頗著勞績雍正八年運河溢他工
多衝決惟餘所司無恙總河高斌嘉其能將擢以
不次遽疾卒全字備五弱冠貢太學書畫兼妙能
詩年二十九先卒識者兩惜之

楊燁字振西順治己亥進士授龍門令勤課藝革濫
徵新譙樓浚城濠山寇李三崗肆虐率兵深入紅
溪捕之寇潛逸民賴以安祀廣東名宦

江源字岷自順治辛丑進士除清河令聽斷明允邑
有邪教惑民愚頑依附爲奸稱兵拒捕源多方捍

續輯漢陽縣志

卷之十八

宦績

三

禦會歲暮備稍弛賊眾千餘突薄城下源亟募敢
死士登陴固守閒遣人詣府請援旋就撲滅後以
事去官貧不能歸邑人醵金資送之子本淳癸丑
舉人見文學

王度由副榜知靈坵縣居嘗歎子產治鄭武侯治蜀
得爲政大體及蒞官心存仁恕濟以嚴明吏民無
敢軼繩外久而胥愛頌之以疾卒於署儼衣數襲
百姓無不往哭焉

張宏傑字特人中康熙癸卯鄉試黔難未靖巡撫請

發幹員遂由內閣中書外補大定同知管郡守事
下車卽捐資贖還難婦大定秋糧一萬有奇草萊
於兵燹無徵者十七力請於上官得蒙蠲除民皆
感悅烏蒙苗婦倡亂開誠撫綏終宏傑任不敢出
陞知貴陽府未任丁外艱起補金華振興人文整
飭彫弊一郡稱治久之謝病歸子天柱任江華訓
導課士有方天相歲貢生

龔于蕃字南式康熙丙午舉人任武岡學正著讀書
覽要數十餘條以教士士多遵守之九年以能陞

續輯漢陽縣志

卷之十八

宦績

三

安邑令郡守性苛數以規例窘其屬于蕃弗能應
守啣之時子涪孚以少年獲鄉舉省父於署幕友
知守與于蕃不相能欲其子謁謝以解之于蕃曰
我清白吏甯畏逼以吾子作私人具耶卒強項不
從遂望議歸年八十一卒涪孚字葛初當于蕃對
簿時力疾走數千里爲鳴冤於秋官事獲解後任
均州學正亦有稱卒於官

陳國祝字如南康熙丁未進士授青浦令再補永清
皆有循聲卓異陞兵馬司正指揮未幾乞歸性端

肅以禮法自持讀書至老不輟年八十八卒子嘉
訓隨州訓導嘉悅候選教諭孫毅辛卯副榜知永
川知縣

魏晉疆字甸曾少豁達好經世之學康熙己酉舉人
任黔陽教諭吳逆亂委督軍需轉輸無誤壬戌貴
州同考得王夢麟周起渭樊祚興皆黔中名宿學
使王方以能薦旋病卒

李俊有字甸四康熙庚辰以明經選授湖南永明教
諭卓異薦陞江蘇贛榆知縣政聲彪炳調署海州

續輯漢陽縣志

卷之六

宦績

三

以丁艱去官起復後補直隸元城以清勤著署河
務通判倡捐廉俸協修河工陞授天津鹽運司運
同兼署鹽道除弊興利毅然不撓嘗草除銀匠茶
果銀請免商人被水淹沒積欠捐修渠黃口堤工
經費監修長蘆鹽志凡恤商惠竈諸大端備載以
垂久遠復於都門置買房屋以爲邑中會館歲修
之資至今賴之時七十卒著有祝其存稿

許之豫字謙次康熙辛酉副榜由荔浦令擢戶部主
事監督大通倉廉幹出諸分司右差滿將議敘會

有螿之者遂致仕歸之豫博覽嗜學刻意爲聲詩古體規摹韓蘇語必生硬時人或未之許真山王戩獨鑑賞以爲神肖云

彭俊字西叔由舉人選黃陂教諭康熙壬戌成進士授陽朔令調宣化潔己推誠案無畱牘二年政績昭著行取入都以承審藩產案不准擢仍補感恩邑偏在海隅俊極力整飭興學育才四境始有絃誦聲未幾改任長甯清商船緝海寇發奸摘伏民夜戶可不閉以勁直失上官意拂衣歸俊少出繼

續輯漢陽縣志

卷之六

宦績

三

於羅嗣母服闋後復本姓子世正邑庠生早卒年七十三乃得子祖繩

孫章字倬菴康熙己卯舉人歷刑部郎中出守惠州抵任革陋規免博羅夫役當差民感其德立祠祀之俗尙詛咒蓄毒草以戕人悉嚴禁之建義學革考費均對讀擒巨盜其中平糴賑粥二法尤爲盡善總督趙宏燦以才守兼優薦陞左江道未至卒余尚鈺字天質康熙庚辰進士初任桐柏丁外艱起

補濟源政尚簡樸崇教恤民建啟運書院集諸生

親課之寒者歲助膏火雖典貸不惜由是文教大興甲午充同考官公明尤爲一時所稱以老乞休歸

鄧元正由貢生知射洪縣禁濫派革供應課農儆惰懲治豪強設塘鋪稽察私鹽以通商引卒於任民感其德祀名宦

徐則裕字益齋由明經司訓崇陽時教諭奉裁訓兼諭職甫蒞任闢講堂置東西舍宇月之三六九日集生童校藝授餐致腆誨飭愷切貧者資之膏火

續輯漢陽縣志

卷之十八

宦績

三

居官三載費逾千金悉取給家財而贄幣脰脯諸陋規洗手不名一錢多士感激尸祝於學宮文昌閣未幾報最以詳復黜生何斌忤邑令謝病歸尋卒年四十有七

彭商賢字述菴康熙壬午舉人令莆田下車焚香告天以廉潔自矢木蘭陂爲一府水利所關傾圮不治商賢捐俸倡修之調詔安值旱午夜起禱跪赤日中竟日不食甘霖立沛詔人呼爲彭公雨丁外艱歸服闋補永豐痛抑豪猾拊恤窮黎以勞瘁卒

貧不能歸櫬士民爭賻助之

徐克祺字名儒歲貢生知晉甯遷刑部員外郎旋陟
正有惡少夜殺人委怨家門同官擬罪其家祺疑
焉密踪跡得之誣乃白某千總杖奴致斃其父冀
全子官挺身承招獄已具克祺力持不可卒獲改
正外轉江南驛鹽僉事進濟東參議巡撫奏克祺
攝龍江西新關篆有裕課通商之能請以陞銜畱
任卒於官

吳允謨字嘉言由歲貢初任滕縣令滕民悍健訟尤

續輯漢陽縣志

卷之十八

宦績

七

黠者多行劫於道允謨下車廉得數人置於法及
撫綏馴良開誠如家人恩威並施民風遂變報最
擢守大名捐俸建書院給膏火課士子歲祲以養
廉賑饑者不給嘗便宜動帑黃河潰構蓆棚棲漂
沒家且日給以食前後全活甚眾康熙壬寅盜夜
殺人勢洶洶將爲變允謨馳馬出署按轡與語令
壯士伏於後出不意研之遂就縛久之卒於官

張洙字聖居幼繼世父後以貢官黃梅教諭陞襄陽
授本生父母沒請終養格於例每言及輒涕下爲

人寬厚有容雖御臧獲亦不作暴氣厲色同官使
酒嘗慢罵之置不校後病卒不能歸洙盡力周卹
使返其襯兩任廣文垂二十年興學課士克舉其
職

吳炯字闇存由歲貢任衡陽訓導有文名善課士巡
撫檄主石鼓書院捐學租爲寒士膏火引迪有方
從遊稱盛循例授工部郎中監督寶源局覈算精
詳人不敢欺以能出爲廣東糧驛道

恩賚盛渥炯下車七閱月修建倉廩整齊驛務茶果陋
續輯漢陽縣志

卷之六

宦績

三

規悉行革除兵民頌之以內艱歸起補金華知府
旋丁父憂服闋補刑部廣西司郎中協辦安徽司
事稿案經炯手輕重咸宜堂上官俱推服之炯才
識甚敏以性勁直致不竟其用年六十一卒於任
子四人

蕭元亮字節宜少有才幹胸無城府以歲貢初授安
陸府訓導父艱服闋補訓武昌值歲大祲撫軍陳
公詵減價糴米委元亮董其事出納公明賴以存
活者無算太守章培基修葺學宮元亮竭誠綜理

一木一石不以私擾公總制楊公宗仁創立社倉
檄元亮勸諭積穀備荒一時樂輸至數千石以保
薦入都卒於潞河舟次

張彥昌字少文雍正癸卯進士試詩賦上等明年授
懷來令邑界邊士不向學彥昌下車修葺學宮拔
敦行通經士充講席已復時加啟牖士習一變禁
釀令下點滴不得造酒家挾重賞私詣署彥昌正
色拒之曰釀於未奉文之先者自貸汝何私請爲
感之三年以望悞去官事白補唐山未幾解組尋

續輯漢陽縣志

卷之十八 宦績

三五

卒於唐

蕭永域字界封由歲貢授國子監學正康熙戊辰充
禮闈受卷官遺失試牘降京衛武學教授諸生多
勳戚子弟驕惰成習永域一裁以義眾皆懾服任
滿遷知詔安邑界閩粵民望海爲田船屬於詔稅
輸於潮蠹甲因緣爲奸永域剔清宿弊民困頓甦
勒石紀其績罷歸後杜門卻掃至親罕覩其面年
八十一卒子五人

王全璧字兩如少厲志於學由癸卯舉人公車不第

檢發湖南以知縣改授瀏陽教諭勤課讀恤孤寒
不計修脯庠生皆稱頌之會學宮朽壞璧捐俸以
倡不數月而更新又署邑篆一切催科獄訟皆籍
記以待新任絕不染指未幾卒於任

夏治源字東注家貧力學舌耕養母癸巳中

恩科鄉試癸卯成進士起家楚雄令尋陞師宗知州丁
內艱制府嘉其才守

特疏入告俾得解任治喪畢仍赴滇候補逾年授建水
牧治源下車後寬平和易不名一錢三人省闈所

續輯漢陽縣志

卷之六

宦績

三

拔士多爲時名宦且實心任事絕不營私士民繪
十政圖以紀其績一夕暴卒貧不能歸旅櫬在滇
五年後例得按品給費紳士軍民伙助乃歸葬焉
楊繡字東麓性伉爽不事小節幼慕班定遠傅介子
爲人年十八遊京師見知於徐將軍治都自備鞍
馬隨戎伍克復川巫等處後徐公提督全楚隨征
夏逆以功授都督管遊擊事初任汀洲右營調廣
東叅將歷潮陽羅寶副將繡果於任事不辭勞瘁
愛惜士卒所至威惠並著後以積勞致疾卒

黃元溥字圮齋號子石十一歲入武庠馬步皆弓開
十二力年十九中己丑武進士選侍衛康熙五十
二年兩廣總督以海疆請員奉

旨補碣石鎮守備復調補福建將軍標守備六十年臺
灣朱一貴叛元溥請往總督滿派隨征抵廈門修
戰艦挑勇健散行糧又檄帶兵赴澎湖卽配載隨
金門鎮黃星赴澎湖晝夜巡防扼守事平提督施
以勤於軍務議敘

題補詔安遊擊雍正八年擢守鎮江叅將十二年以
續輯漢陽縣志

卷之十八

宦績

三

疾卒於官年四十四溥質樸純靜有儒將風惜未
竟其用

易廷望字都人性英敏過目成誦年十二補博士弟
子員順治辛卯舉於鄉授桂陽州學正時滇氛不
靖四郊多壘廷望不以師儒自委率紳士登陴助
守所籌畫皆有古名將風一日驚傳賊至城門晝
閉四鄉難民攜婦孺呼號求入刺史恐有賊閒擬
以矢石加之廷望急馳白總戎以死請令箭開門
納之賊至村落皆被蹂躪而難民之入城者皆感

泣曰非啟門納我我儕已橫死草野中矣刺史以
他事赴省大吏卽以廷望攝州篆勞來安集善政
甚多保薦入

覲民於其去泐碑以紀其績旋以疾卒於家著有慧
原文集裔孫元善官翰林侍讀學士寶善丁卯舉
人慶善明經官善知縣

胡延齡字幼錢祖世典父謙俱有世德齡生而純謹
事父兄孝友會鬻產以償兄逋膳孀嫂孤姪授徒
於外自處貧約乾隆甲子年五十舉於鄉戊辰成

續輯漢陽縣志

卷之十六

宦績

三

進士皆出沈文愨之門辛未授緝修未一年乞休
歸里平生砥礪名節以介自守與人交樂易坦白
不以先達自詡績學著書文集已刊詩存稿子志
潔

徐永佑字天自幼負經濟康熙己酉舉於鄉士辰成
進士爲武英分校纂修子史精華授丹陽令浚徒
揚運河決疑獄政成民化癸卯分校鄉闈得士如
任啟運潘思榘皆江南名宿世稱知人調吳江攝
長洲催科不擾而民賦已完爲四邑最引

見拜貂皮藥錠之賜擢蘇州守貴州苗變交雲貴總督
尹文端公委用授平越府陞古州道從經畧大臣
張廣泗理丹江古州安屯設練善後事宜乾隆六
年以勞瘁得疾疾革猶喃喃向接任平越知府邵
世泰述秋水經畧措施之意無一語及其私卒年
六十子守基由拔貢授萬全令饒有父風

胡志潔字雪芳幼奉庭訓敦厚肫摯研窮經術乾隆
庚午舉於鄉辛未成進士選鹽山令見北土蕭條
收成涼薄且不善種藝他種因以楚省種番薯之

續輯漢陽縣志

卷之十八

宦績

三

法刊示養民捐俸修書院教士後補米脂將樂教
養俱如鹽山志潔幼抱利濟之志兩以丁憂俱不
久於其仕將樂亦未及三年卒於官皆不克展其
才士論惜之著有玕亭詩集文集子二採戊午鄉
魁

熊天楷字芥圃爲人明決果幹遇事侃侃不怵於利
害乾隆壬戌進士選直隸清豐知縣時江南訛言
有叫生魂割髮辮者官吏以聞山東獲行路可疑
者三人嚴刑訊之誣服爲妖妄圖財利謀不軌且

言黨羽布在九華句容武當各山寺中一時京省
楚豫逮者凡數十百人開州牧繫遊方僧道十餘
人店主歇家指爲直隸行邪術之首五刑具而獄
成李恭毅公湖爲太守疑所供黨羽姓名何以言
人人殊檄天楷讞之天楷詢知畏刑誣服狀遂直
白其枉制府具以聞奉

旨逮送軍機覆訊迄無左驗遂從天楷議釋之前所逮
江南山東各犯亦依是案皆獲平反河決六堡州
縣採辦竹榷料一時秕稽驟貴天楷以官項之羨

續輯漢陽縣志

卷之六

宦績

十四

補例價不敷不敷日集事復遇偏災率先以社穀
貸民俟申請賑恤符下而民無流亡者以大計歸
路釗字景康號遠亭性孝友弱冠以五經補茂才乾
隆庚辰舉於鄉大挑發河南任尉氏南陽知縣視
民如子聽斷如神甲午充同考官所取皆知名士
丁母憂歸百姓攜老幼送百里外攀轅泣涕不忍
別其德政入人之深如此服闋發福建署侯官縣
篆諸大吏倚爲腹心凡有疑獄無不委審平允林
爽文滋事李襄毅侍堯帶赴廈門鞠海洋盜案脅

從疑似之人悉予昭雪存活無算補將樂以前侯
官時軍需貽項罷官邑人於四門設桶集錢代繳
庫項數日皆投滿再三辭阻不受一錢邑人始各
怏怏持去生平持己治民一以仁恕桎梏之刑從
未一用所至政簡刑清民情悅服乙丑夏無疾而
逝年七十七

路鐔字鳴于兄釗在豫歷南陽尉氏令鐔幼在兄署
佐理嫻吏事捐鹽大使發浙江補青村許村場擢
諸暨縣調平湖薦擢杭州西海防同知性明敏和

續輯漢陽縣志

卷之十八

宦績

三

正所至有治績未妄刑一人宰諸暨伸十餘年未
伸之冤人情快之平湖水鄉多盜鐔弭之海塘鉅
工修防誠實課書院捐廉以資膏火制府阮賞鐔
廉靜篤實方擢之嘉慶十四年正月遽卒於西防
任子文澤戊辰進士以知縣分發福建補浦城縣
調常山縣

張坦麟字畫臣仲璜子康熙辛卯舉人起家戶部主
事性勤敏綜核名實爲大司農張清恪伯行所知
任保監督三遷至兩淮鹽運使勾稽隱漏運使陋

規四萬九千兩奏明歸公

世宗憲皇帝察其廉謹擢江蘇布政司時江南虧空繁於他省耗羨輕於他省有着之虧不難於催而難於繳無着之虧不難於查而難於補操切太甚則挪掩之弊滋提捐數多則巧加之事起坦麟奏一省公務當合一省財賦計之一歲營辦當合一歲經費計之耗羨一清不惟應辦之公務有藉卽無着之虧空亦不必別爲議抵定耗加一以二成爲養廉每年提銀三十萬兩除貼辦公務養廉用銀十

續輯漢陽縣志

卷之十八

宦績

美

九萬兩餘銀十萬兩零爲彌補虧空之用與督撫會議定制江蘇至今遵行旋署江蘇巡撫積弊釐剔擢內閣學士禮部侍郎改署江西巡撫甯都抗糧民變一示靖之復均江西各官養廉雍正八年丁母劉淑人憂奉

旨派在高堰工程處守制復赴浙江海塘督修塘務工竣奏請安葬遂歸

張坦熊字祥男號郎湖康熙辛卯舉人令浙桐廬摘伏懲姦屢刊定獄攝富陽令有吏金某姦佔乳婦

其夫具控坦熊治之且追部劄時杭州太守魏定國已批准矣忽又檄緩追坦熊曰魏公正人斷無二三其說仍追部劄且寢其後令仍作稟繳之或曰詳文辭直魏公不得不准另檄乃魏公意也疑之因往謁刺甫投而中門大開坦熊愈以爲魏守怒而擲檢之也及見魏公曰所不敢以常禮待君者敬君之能斷也其原控人已詣中丞批詳互異適君繳部劄至中丞疑乃釋君他日功名必在老夫上調任仁和有田去丁畱之案有田者與有丁

續輯漢陽縣志

卷之十八

宦績

三

者互爭不已坦熊曰非攤丁於糧其爭不止乃委曲諭之丁遂攤人民帖然錢塘令膽怯未敢卽攤姦民之多事者揭竿罷市聲言毀署是日坦熊方聽訟錢塘令忽來神色沮喪曰以攤丁故眾士民已鬧入北新關太守往白中丞去矣坦熊治訟事如故內計中丞素強毅必發兵若有所傷大關政體遂揀役之老成者數名肩輿詣北新關行四五里見揭竿揚旗老少千餘人鳴鑼罷市稍緩石糞交加前行者欲止坦熊令仍呵殿姦民直前問何

人役曰仁和縣張鬧者齊聲曰好官來讓路坦熊見眾人相待以禮卽下坐胡牀問爾等何爲眾以未攤丁銀對坦熊曰仁邑已行錢塘甯有不攤之理爾等若此橫肆不但不能攤首領且恐不保矣速匿鑼旗吾送爾出關遂押出北新關而回時中丞李聞事急坐堂皇召副將將兵千人令會坦熊往擒待之久不至命弁兵四五輩往催或曰張令逃矣公令副將并拏張令有老役前曰毋須頃見張令已押刁民出北新關矣公連聲曰此方是張

續輯漢陽縣志

卷之十八

宦績

三

郎湖坦熊至白其事李公稱善者再遂由縣令擢雲南按察使所至皆有善政其受知於

憲廟者李公爲之保薦也子莆乾隆丁卯舉人孫承鼎庠生彭縣知縣

吳山鳳字于崗邑人太學生由縣丞遞捐知縣分發直隸補獲鹿令邑有九省衝途時金川用兵羽書旁午山鳳經理裕如擢涿州牧改河閒府丞皆以幹才大府保薦乾隆三十五年

南巡恭辦供頓途次

召見放江西贛州府知府四十年補江西鹽道屢攝藩
篆四十二年以失察屬員罷歸子應穀長蘆鹽知
事

鄒召南字康仲號炎山祖履益順治乙丑進士榜明
通河南光州子贅邑人易道沛家遂占籍漢陽召
南生而穎敏端重雍正乙卯舉於鄉乾隆丁巳成
進士丙寅選江南崑山令宅心仁恕所至興利除
害不沾沾於簿書期會而職事無不舉者初至崑
邑襍象將成倉穀多缺檄飭買補召南卽遣人赴

續輯漢陽縣志

卷之六

宦績

三

楚賢足賑賴以濟中丞雅襄敏公褒爲縣令第一
邑分地爲新陽誌久缺召南開局纂修書成沈文
愨公謂其言簡事覈可爲分縣志法丁卯充同考
官所拔多知名士己巳丁母憂服闋福建連江以
事罷官大府略仍奏請發閩補長汀令調甯安令
摘伏懲姦讞疑獄擒巨盜弭械鬪之源剔稽延之
弊邑大治擢廈門同知蒞事明決而獄務從輕凡
有可出者必出之無可出則竟日爲之不惜嘗舉
歐陽文忠公訓誨以戒子弟曰吾求生而不得則

死者與吾俱無憾汝曹獲遇當志之諸子恪守皆不失爲循吏乾隆癸未卒於廈門署年五十四子九長貽謨直隸知州貽謀九江通判試直隸正定知縣貽譽邳州直河巡檢玉楨羅田訓導貽詩另有傳貽惠貽譜監生

鄒貽詩字愚齊召南第八子幼工文擅書乾隆甲午京兆試卷寶東臯房薦未售以書法取四庫館臚錄議敘布政司經歷分發福建徐兩松中丞知其廉潔屢署邑篆常勤襄進征林爽文帶赴臺灣貽

續輯漢陽縣志

卷之十八

宦績

罕

詩建議乘新集之兵解嘉義之圍無入郡城老我師而張賊勢不聽丁未徐兩松渡臺灣貽詩仍居幕中報銷臺局勾稽無隱甲寅臺匪陳周全叛又隨伍春圃制軍渡臺有潰卒七百人伍公欲駢戮之貽詩持不可斬倡謀數人餘悉宥之乙卯閩省虧空獄起時將軍魁倫與制府伍有夙怨繼督篆凡伍公所信任者皆欲摭摭細故以入其罪貽詩爲所中者數矣賴皆以才免桐城姚湘漪中丞陰左右之也嘉慶丁巳終養歸庚申復補麻沙縣丞

適有黠徒李凌魁者謀不軌貽詩發其姦伏法死復捕獲盜僧行聚蓋制軍親捕未獲而拒傷員弁者也上廉知其才方欲保題值海盜蔡牽登陸圍臺郡復檄隨賽將軍東渡貽詩於海東夷險守備疏密瞭如指掌將軍倚之如左右手奏陞知州仍留臺鎮撫而阿制軍復以省會須才檄其內渡戊辰回省題陞邵武同知旋擢福州府知府年餘卒貽詩四次渡臺皆以明決曉暢聞惜所建議未能盡用兩次清查虧空皆操縱有術不爲吏胥所蔽

續輯漢陽縣志

卷之六

宦績

聖

而帑項有著平生摘伏懲姦於仇扳妄拏及奉行過當者一一釐剔尤人所難子六人

朱容極字恆齋號建中乾隆戊午舉人乙丑中明通榜授國子監學正改發山東以知縣用歷惠民利津鉅野三縣令俱以興學校端士習爲務創邑志立書院添膏火遇水旱偏災捐廉賑濟全活者以萬計大計卓薦陞曹單同知丁憂歸旋卒弟容楷貢生容揆監生鼎貴州平遠知州子六宏炳增生性至孝雅稟生幼失怙恃督教諸弟皆能成立宏

煩映奎庠生映燕從九品豪俠好義重然諾於諸
兄嫂殮葬俱獨力任之盡哀盡禮旭升庠生映燕
子才璵庠生九歲有至性

胡文超字越萬癸酉舉人辛巳進士家素貧年四十
猶授徒於外制藝不苟落筆謁選授河南唐邑令
邑境廣遠外來游民錯居難治文超一以安恬處
之民亦帖服去猶思之子定球定琦彬孟皆庠生
黃之常字子先號克敦順治乙未進士原任福建鎮

海衛守備陞陝西鎮羌營遊擊加副將銜從征貴

續輯漢陽縣志

卷之十八

宦績

望

州奮勇殺賊馬蹶折傷左股循例致仕予遊擊世
襲子經邦康熙甲子經魁孫光康熙己卯武舉任
甯夏衛守備署守禦所千戶歿於西路軍營

傅作相幼習儒補博士弟子繼而棄去學武雍正癸
卯中武舉庚戌成進士分發四川任龍場營守備
乾隆四年擢泰甯營都司六年擢建昌鎮中營遊
擊十二年派征大金川攻卡撒碉樓破之敘軍功
二等擢叅將補建昌旗木托營叅將涼山一帶蠻
賊素多事作相以威自重蠻人賓服調會麻營叅

將輕裘緩帶雅歌投壺有太平邊將之風焉

張藝字東園號鶴川雲南廉訪坦熊子雍正壬子舉
人性樂易耽書史工字畫少隨父官浙東與厲徵
君鶚袁太史枚遊詩歌古文能道其胸臆絕不矜
引僻典刺取新字官閩中泉防同知泉爲海疆重
地操切過甚則民心易動故疎節濶目不斤斤於
簿書期會委採滇銅留滇數載得銅逕回復以其
不由官程遂自投劾歸里藝少有文名詩歌古文
字畫皆推重一時解組後四方延請衡文晚乃掌
質之遂卒於光州有鳳棲山人詩稿

程秉禮乾隆丙子舉人

欽賜國子監學正生平寡言笑閉戶讀書日與子弟講
求經史絕不干戶外事子大光由進士令陝西郃
陽縣門閥鼎盛而秉禮恂恂退遜依然一老書生
也凡里中慶弔必躬親之除夕有不能度歲者必
暗贈不使人知暇日與二三老友談言行可爲法
者終日不倦

蕭鍾偉號月舫乾隆庚辰武進士選充三等侍衛期滿放江南江陰營遊擊擢淮安城守營叅將陞徐州營副將耽文史喜賓客宦轍所至皆吳楚名勝文人會聚時際百年

化洽六字昇平大吏尹文端公李鶴峯侍郎總持風雅

翠華三次南巡鍾偉皆擁帚道周故所酬倡如錢竹汀王西莊顧景嶽王楚帆孫春臺皆一時名宿就中與夏醴谷更相契合其澄江淮陰兩集皆所手定續輯漢陽縣志

卷之十八

宦績

留

韎韜從戎而能緩帶賦詩是

休明之盛事也弟鍾英一名鍾俊甲子武舉廣西都司亦能詩

嚴兆梅字燮芳號曙峯乾隆辛酉副榜考職州判揀發貴州實授羅斛州判屢攝州縣篆在黔凡十八年所蒞皆苗疆鋤惡安良積年漢猾如楊豹子黃仔肩譚石工左文秀或消難於未萌或除惡於旣稔故所至民服而所去民思操行尤潔白苗嗣有理直而爲人所累者餽之金力辭不受仍直其事

語人曰吾雖不受若金而其事本直若以不受金故而曲之是矯枉過直也至今民苗猶思之以老乞休優游林下十餘年子峻起監生

孫漢字倬雲號楚池意見通敏文章淵博乾隆甲子舉人乙丑進士選庶吉士改部掣得吏部補文選司主事於吏部案牘山積雲委者皆能瞭如指掌雖猾吏不能爲奸游陞郎中冢宰倚之如左右手每歲

秋彌塞上必扈從隨行保舉御史有春生閣詩草行世

續輯漢陽縣志

卷之十八

宦績

巽

劉邦殿字鎮廷號雲圃性謙謹工制舉文字安和圓

潤一時揣摩家舉以爲法爲人好義邑中有陳貞

女邦殿約諸同人爲請旌且捐資刻其詩稿中乾

隆庚寅舉人大挑揀發雲南補河西縣訪書院遺

址捐廉修建仍歲捐膏火三百金以養士署恩樂

縣縣新改流向日魯魁山土弁後有刁坦者仍收

保頭錢山巔樹木版爲寨役裸裸數百人衛以刀

仗莫敢誰何邦殿選練役乘夜擎捕解辦邊民以

安於江川縣疏洱海口於陸涼州斷紛爭之地皆

實德在民告養回籍居家二十年而卒子自任自銓

丁國昌字禹言康熙丁酉科武舉官至四川副將射法冠一時百步外植香數炷射左中左射右中右力尤絕人能屈一指擎石白起行數十步不隕北上途遇大盜負其力凌暴鄉里攫取人財物莫能誰何大澤中有牛百餘頭悉掠之旁村驅入澤鈐以火印則牛主瞠視莫敢問昌乃購一牛縱諸外誘之盜果攘去昌起率僕逐之盜騰躍走昌亦騰

續輯漢陽縣志

卷之十八

宦績

吳

躍而擒之擊盜立死盡驅所掠牛呼各牛主使持還眾羅拜去又嘗宿逆旅舍中重門扃固且下鑰所啖人肉也有少婦被掠繫其中昌乃以布二疋自裹所乘馬擲出垣外呼僕與踰垣出星夜馳省請兵擒勦盡獲盜魁拔出被掠之婦昌行事近古俠烈其才武膽決北齊高敖曹彭樂之儔也遭時承平優遊麾下無所呈奇使當開邊出塞之秋飛而食肉其功名豈可量哉予時可武生孫人貴庠生乾隆乙卯科舉人

朱升鑰邑之藤絲岡人寄籍江夏乾隆庚午舉人庚辰大挑一等以知縣用籤分山東歷任鉅野安邱昌邑等縣陞雲南晉甯知州改授山西吉州知州所至循聲卓著去官歸里琴書外無一物族里咸嗟歎之

馮賡唐乾隆庚辰武舉人與孝感胡侍御紹鼎善胡以名進士擅少林技賡唐以武科能文時人兩奇之官兵部差官時某公子以父累繫獄賡唐謀脫其難解囊不足繼以稱貸坐是空乏未及差滿跟

續輯漢陽縣志

卷之六

宦績

七

躡而歸殆亦宦海中所僅見者

鄔正淞字滄白鳳棲里人由優附生中乾隆癸卯科舉人揀選知縣就國子監監丞職補官後迴避改補太常博士俸滿外用補廣東潮州府海防同知調署粵閩南澳軍民海防同知皆值歲歉解囊助賑民以不飢書院學校城池營務無不修整海上文教昌而寇攘亦息軍民人士懷其惠爲設主於名宦祠生而祀之道光四年大府保奏以瓊州府知府陞用會澳門夷人方謀窺伺大府謂正淞練

海疆夷務先以澳門同知奏調下車榜示曰中外一體事無大小秉公斷結胥役無得勒索所有夷費一切免去夷聞而畏且愛呼爲鄔青天奉約束唯謹凡三年染瘴疾將旋省就醫夷人如失父母會同士民詣署攀留呼入好諭之不散仍投牘請留逾旬病益篤乃旋省夷與士民拜舟前灑泣乃去次年猶浮海齋繳額走其寓其得人心如此是年回籍其冬夷釁作矣庚寅冬起病再入粵復病逾年卒於粵東正淞事親以孝聞敦睦宗族仁洽

續輯漢陽縣志

卷之十八

宦績

吳

姻鄰服官中外四十餘年家中田租悉以分贍宗親子四廷琇候選吏目廷瑩太學生廷瑜早逝廷理太學生孫四澍浙江嘉興府照磨道光十六年首捐辦賑者六次活數萬口又倡辦團練擊賊有功軍民請畱任不果爲立碑紀其政其後太府保奏

賞加六品頂戴以縣丞補用履豐履晉候選從九履鼎曾孫瑞海浙江候補縣丞

邱樹棠字景石南屏其號也先世籍閩之上杭後乃

遷漢陽父炎官廣東高要縣丞貧不能挈家畱樹棠母子儻居漢上九歲失母家益落天資雋穎讀書數行並下文亦英岸成童偕兄省父相從解組歸里父又卒貧益甚刻苦於學補諸生舉於鄉明年嘉慶壬戌成進士以主事用分刑部勤於讞鞫必得其情爲一部最十六年以知府揀發兩江權徐州府河決爲災悉心振之築隄凡費帑數百萬金無纖介虛糜者歷鎮江揚州江甯各郡十九年江南大旱請帑勸分活人無算以其羨二萬金爲

續輯漢陽縣志

卷之十八

宦績

吳

息畱備荒政士民勒石記之權江南鹽法道擢江安蘇松督糧道時議減幫費丁情洵洵馭之迄無事遷江西山西按察使山西江西布政使護江西巡撫兼提督軍門高安民請開金礦疏言山附省近開採人多恐啟奸增課有限貽害無窮請永遠封禁

上是其議道光元年授山西巡撫太原城西汾水經焉沙多河淤盛漲輒敗隄堰及民田廬乃別築隄濬引河水復故道遂無患河東鹽池在條山北地窪

下三年秋霖雨水暴至親往履視奏言姚暹渠淺狹上游夏縣李綽堰受水急宜別開河避其衝更築新堰濬下游五姓湖洩之姚暹渠北有涑水亦宜疏使人河得

旨允行六年冬入權刑部右侍郎八年正月拜真除九年春調戶部侍郎總督倉場自起家至莅政皆風裁峻整始入官卽研究吏治絕朋酒燕衍之樂敷歷申外三十年無私蓄無餘財爲省郎時有持千金求解獄者拒不納與兄樹德終始相依視兄子續輯漢陽縣志

卷之十八

宦績

卒

如己子讓產與之卒年六十有一

誥授榮祿大夫振威將軍妻汪氏當未遇時以紡績佐讀及相隨節署不改儉素治家尤有法

誥封一品夫人子端別有傳

袁應惇字小江嘉慶辛酉拔貢壬戌朝考以小京

官用籤分禮部儀制司甲子中順天鄉試舉人辛未成進士補兵部武庫司主事轉武選司員外郎遷車駕司郎中充丁丑科會試同考官武會試提調則例館纂修京察記名

簡放湖南常德府知府甫抵湘東未及赴任卒應惇才
號爲精敏官郎署久於曹事最稱綜覈又畱心經
世之務思以幹濟自表見始領專城遽先凋謝胸
中利器百不一施也子三善采廩貢生道光乙未
順天鄉試挑取謄錄已亥湖北本省鄉試舉人候
選知縣

葉志詵字仲寅號東卿晚自號遂翁生有殊姿夙稱
慧業侍其父給諫公京師朝夕承庭訓於書無所
不窺閱覽博聞人罕測其涯涘屢躋棘闈咸爲扼

續輯漢陽縣志

卷之十八

宦績

五

學師翁覃溪學士劉石菴相國肆力金石文字凡
三代彝器及古篆籀源流叅以圖籍貫穿六書搜
剔辨證剖釋無滯雖鄭夾漈趙明誠未能過也又
於秦漢印數推其官制同異爲讀史者之一助最
後得周宣王時鼎皮諸金山以公同好徵詞人才
流賦詩紀事其嗜古如此嘉慶九年翰林進冊
特賞大緞荷包十六年恭值

仁宗巡幸五臺以軍機子弟不與 召試進獻畫冊頌冊

特拜文綺之 賜奉

旨人文穎館行走二十四年恭逢

六旬萬壽編千字文詩祝釐並邀

宸賞歷官國子監典簿兼署監丞博士典籍充國子監則
例館提調成則例若干卷尋充 國史館分校治
河分校仕至兵部武選司郎中清識秉正吏不能
上下手

宣宗時以經學著聞

諭授定郡王讀復充兵部則例館提調居京時有宦家女
鬻於他氏者以重金贖之視爲己之女孫待年爲

續輯漢陽縣志

卷之十八

宦績

至

之擇配漢鎮祖遺藥店司會計者乾沒至巨萬志
詵爲彌縫而善遣之戊申乙酉楚大水漢陽西北
鄉隄卑且薄開堰皆廢城東南瀕江田廬恆苦漲
繕隄則無力志詵會紳耆籌議首行捐資事乃畢
舉旣成闔邑始獲奠安黃州郡郭西南青雲塔形
家謂全楚人文所繫歲久頽圯志詵白諸大府籌
費重修科目於是大振漢陽城西石榴花塔重脩
亦捐資助成以表清芬又約都人士首捐資採訪
節孝凡僻壤無不徧得千餘人爲之請題

旌表建坊他濟貧孤救飢困博施殆不勝計六十致仕
就養粵東節署年且七秩圖史自娛摹石鼓文置
漢陽學署粵東變作倉皇歸里生平文字古器蕩
無一存矣同治二年卒於里第年八十有五所著
則例若干卷 御覽集神農本草經贊金山鼎攷
蘊奇錄已刊行壽年集上第錄稽古錄咏古錄識
字錄平安館全集多未卒業以子貴

晉封光祿大夫建威將軍體仁閣大學士兩廣總督子
二名琛名澧皆有傳

續輯漢陽縣志

卷之十八

宦績

三

蕭德宣字春田少不羈年十二忽有悟援筆構制藝

一首徵引及左氏其父見之喜授古今文使誦之

二十補諸生次年食餼爲學使鮑覺生侍郎所賞

嘉慶癸酉舉於鄉甲戌成進士以知縣候選道光

三年謁選得陝西之清澗至則疏種井新書院月

集生徒課之勸民種樹數萬本屢斷疑獄皆奇中

鄉閭分校榜首出其門權鳳縣察其地教匪初靖

盜賊方起用嚴以整齊之他皆如清澗又屢斷疑

獄相傳爲神明盜相戒不入境閭里至夜不閉戶

觀察樂園嚴公中丞亮甫姚公當世名臣皆稱爲
關中良吏第一丁外艱當途畱主同州護席士聞
之廡至居大父喪奉母歸喪畢又居母憂哀禮兼
盡見者感動家居預修邑志極爲精覈郡大水姚
小山觀察邀其振災募金二十餘萬設粥厰蓆棚
所全活數萬人方伯少穆林公廉訪樸園栗公屢
造門諮訪中丞楊公介塚采其勞勩薦諸

朝遂入都會已奉

命揀發直隸謁制府節相琦侯卽迎謂之曰聞若善決

續輯漢陽縣志

卷之十八

宦績

畜

獄且赴首邑訊囚又屢斷疑獄補臨榆至則曰兩

京鎖鑰古用武地今宜以文鎮撫之葺東溟書院

額曰學海堂聚生徒試之夏旱步上角山禱焉方

俯伏黑雲起頭上大雨如注後旱禱亦然民大悅

移威縣焚淫詞邪像錢糧銀價日昂各路加賦德

宣獨不忍暇則課士解中又移東明當糧艘孔道

俗又健訟勢家尤驚甚持吏短長德宣馭之以威

猛市一櫬自隨曰吾死且不畏豈愛一官妄許者

卽予杖絕不與勢家通始相與謗久變爲頌引文

學士談藝率之謁劉莘老祠弔馬東籬墓士民知
觀感興起矣遷大名同知權海防同知未滿歲引
疾歸遭亂轉徙遇疾卒德宣事親孝官秦中迎兩
親至署備極家庭之樂爲吏梅神君善因俗以爲
治嘗稱曰喪元氣者能吏也培元氣者循吏也聞
者以爲名言性灑落豪放銜觴高咏寵辱皆忘見
拔無不騰上速飛者詩文藁亂後什九散佚矣子
書癸亥進士今官浙江同知

續輯漢陽縣志

卷之六

宦績

五

龔桓字雲階始爲諸生有聲試輒冠其儕輩名益噪
家居授徒勤於訓誘未嘗計脩脯力學潛修砥礪
名行不妄與人交中嘉慶戊辰鄉試舉人甲戌成
進士性懷澹泊折腰風塵非所樂也改就德安府
學教授每與諸生講貫恆先器識後文藝於義利
之辨尤析皆勗之以敦踐履去浮僞士久而翕然
信之曰先生之言修身入德之門也庠序之風遂
蒸蒸日上屢以卓異薦不就竟卒於官

柏中照字硯生號四花嘉慶丁卯舉人丁丑大挑一

等以知縣用籤分廣東歷署高明惠來四會河源
平遠等縣補廣甯縣所至皆有政聲廉幹勤能民
頌之爲神君嘉慶己卯道光戊子兩充鄉闈同考
試官所得皆知名士以疾卒於官歸裝蕭然如寒
素時粵人至今猶嗟歎之子三遇龍江西廣信府
照磨八品銜映魁河南嵩縣巡檢樹藩廣西義甯
龍勝司巡檢孫春現官江西南豐知縣同知銜
熊煥黃陵磯人天植長子天植深於學著書之餘開
門授徒士論多歸之煥服膺庭訓躬行孝友起家

續輯漢陽縣志

卷之十八

宦績

五

從九補河南阜甯縣大套司巡檢佐河事有勞調
南岸馬頭司所轄隄最薄害屢及民建請別築城
隄民始獲安堵名其隄曰熊公隄志不忘也遷海
州直隸州同桃南通判補揚州通判擢蕭南同知
著有下河議說及河工議說二書煥前後所蒞日
擊河工身親其事最久故於河事尤曉澈其書亦
疏析明暢往往切中利害性最喜施濟道光元年
疫作施藥活人無算沒則給樁所耗數千金皆取
之俸入及致仕歸橐中蕭然不名一錢晏如也年

八十卒

易官善字雪峯道光壬午優貢先是辛巳改元

詔舉孝廉方正大吏薦之及

廷試名列第二以知縣用丙辰籤發河南當道皆器之
權新野邑介秦楚之衝俗獷悍難治下車廉知土
豪高衢者以財雄一方恃勢豪橫強奪人田及婦
女無敢忤者稍忤之卽賄吏文致之法又其姻婭
多貴家有司亦頗顧忌由是惡益稔道路以目官
善條其不法聞於上開府程公月川嘉之衢百計

續輯漢陽縣志

卷之十八

宦績

五

求緩頰不爲動卒置之決判還所奪田近千頃婦
女百餘其人皆詣縣廷泥首泣曰非我公誰能再
造欷歔久之乃去相與生爲立祠政聲翕然播豫
州數千里未幾程公去竟以忤權貴左遷鹽場大
使乙未至長蘆受事辛壬之際海氛作佐海防事
爲節相訥公所知劾章上於

朝辛亥秋擢令吳橋治如新野畿輔徭役甲天下一邑
調發他邑協濟皆廉訪指派吏胥奉行因緣爲奸
民不勝擾是時粵逆稱亂軍餽派送無虛日官善

剴切申牘得如所請民無悉索之困邑人紀其事於石粵逆擾畿甸旁邑交滄獻阜皆陷吳橋獨完事平引疾歸子蔭芝除廣西象州牧迎養榕城卒於桂林官善侍奉重闡最以孝稱他言行皆爲鄉人推重居官尤磊落可紀云

邱端字正甫號小屏樹棠之子道光元年廕生朝考一等光祿寺署正授掌醢署擢戶部廣東司郎中兼貴州司行走井田科督催所入旗現審處則例館纂修兩次任滿奏畱二十八年因部案被議降

續輯漢陽縣志

卷之十八

宦績

矣

授江西都昌縣知縣值大水所以捍衛賑卹之者咸有條理民賴之免於流亡咸豐二年調補龍泉亦有惠政端起貴公子無豪縱習能悉心吏事所至又以愷悌著聞庶幾無忝負荷者歟官戶部時尊恩誥授朝議大夫妻王氏陳氏皆

誥封恭人子煥奎庠生承榮軍功議敘以知州歸江西補用孫先瑞議敘縣丞先璐先瑛

史佩瑋字仲和號鸞坡資英敏性尤濶達少卽以才名諸生閒道光乙酉拔貢本科舉人癸巳成進士

授編修充國史館協修纂修日講起居注庚子科
教習庶吉士丁酉科充廣西鄉試副考官所得士
如順天府丞蔣霞舫達通政副使王少鶴拯爲一
時名臣其尤著者也投江西道御史轉福建道調
京畿道截取授直隸永平府知府地當山海關衝
要戢外安內一以鎮靜處之民用大和至今輿誦
猶能稱之未幾引疾退遊江左主金陵講席粵逆
擾吳趨勦理戎務奉

旨賞戴花翎阻亂不能歸疾作終於京師佩瑋制藝詩

續輯漢陽縣志

卷之六

宦績

五

賦無不工每出一篇都下紙貴獎借後進尤精月
旦士赴兩闈試以文質者爲決取舍高下不失錙
銖所選壬子直省鄉墨還醇操觚家咸奉爲圭臬
又善談笑流連風景引滿高咏超然若遊八表之
外也生平著作頗富兵燹佚去行世者惟分韻指
南及桐陰小榭詩賦鈔而已子寶恬候選訓導

葉名琛字崑臣道光乙酉副貢生 武英殿校錄議

敘教諭中式辛卯舉人乙未成進士授編修直清
秘堂嘗撰禱雨文有驗

宣廟謂爲忠孝所感初 授陝西興安知府陞山西鴈
平道調江西鹽法道擢按察使署布政使調雲南
湖南江甯各布政使改調甘肅布政使所至興利
剔弊察吏安氓口碑溢數省焉癸卯丁母憂由都
門扶櫬旋里徒步數千里盡哀盡禮克率乃祖攸
行丙午年服闋署順天府尹充順天武鄉試監射
大臣 授廣東布政使擢廣東巡撫時值海疆不
靖名琛與總督徐密爲調度勦撫兼施頓使外攘
內安夷酋俯首事聞

續輯漢陽縣志

卷之十八

宦績

六

予男爵世襲

賞戴花翎蓋異數也粵東立生祠尸祝之壬子年
簡授兩廣總督乙卯年

命以總督協辦大學士丙辰年 授體仁閣大學士先

是因勦辦英德一帶匪徒凡厥渠魁殄戮罔遺

賞加太子少保又因督勦羅鏡逆匪其元惡大憝悉數
擒斬全境以清充

欽差大臣嘗以邑中文風日盛學額太隘慨然捐廉俸
二萬兩請廣文武學額永遠二名士林稱頌弗衰

旋以夷事復變浮海涉印度遂絕粒拒吭而卒無子以姪恩頤爲嗣

葉名灃字潤臣封公志誥之子相國名琛之弟道光丁酉科順天鄉試舉人欽天監算學生以例官內閣中書充本衙門撰文先後送國史館及玉牒館復充玉牒館幫辦纂修官事竣奉

旨加侍讀銜屢充誥勅房兼辦中書科事務二十九年以本省水災由戶部捐銀佐賑得紀錄三十年冬署侍讀咸豐初元送方畧館校對二年冬補

續輯漢陽縣志

卷之十八 官績

全

實五年冬補文淵閣檢閱七年夏升侍讀是年以廣東捐紅單船經費獎叙子弟奉

旨賞戴花翎八年京察一等引

見有

旨加一級未幾相國歿於海上鄉里又陷賊不能歸乃納貲以道員分發浙江爲迎養計行至吳門感疾卒名灃家藏書史甲於輦下自天文經學百家著錄無所不究覽詩最工識者重其風骨比之徐昌穀高蘇門篤於孝友在都中獨侍椿庭左右就養

罔不如志嘗省母及兄雁門豫章且入黔跋涉萬里忘其勞瘁久居日下所識盡四方才俊然擇交慎其尤賢者終身心敬之因邵武張亨父得識山陽潘四農修書執弟子禮風義最重有東漢人節概焉又嘗撫故家女待年而嫁在官勤慎居京師凡善舉無不與同人竭力營之著有敦夙好齋詩初集十三卷續集十二卷敦夙好齋文集一卷筆記三卷讀易叢記二卷四聲疊韻譜未卒業

袁希祖字荀陔號寄生世居浙之上虞考贈公賈於

續輯漢陽縣志

卷之十八

宦績

空

漢臯娶室生希祖遂附籍漢陽贈公早沒希祖甫八齡母倪太夫人撫之而泣曰孤貧不能就塾吾且以織佐汝誦久之貧益甚則又語之曰奚以謀生盍改業爲賈乃往依市肆晝則持籌夕則溫卷同列厭之且譖諸主人希祖歸泣請於太夫人曰兒不能爲賈人讀書養母兒志也時年已十六矣日夜淬厲於學治舉業益精敏出而應試學使拔置第一補弟子員先是太守夏公已奇賞之因招入署中道光丁酉舉於鄉丁未捷南宮入詞苑庚

成散館授編修充 武英殿 國史館纂修是年
大考二等四名五轉至侍講咸豐壬子充 日講
起居注官遷侍講學士戊午擢補內閣學士兼禮
部侍郎己未

簡放福建正考官歷署禮工戶刑兵部侍郎以靖共自
矢時權貴弄柄威福自擅未嘗折節下之至抗疏
斥爲秦檜嚴嵩見者爲悚慄疏入畱中庚申夷釁
作都門戒嚴羣議主款撫希祖三上章爭之不得

六飛遂幸塞外辛酉七月

續輯漢陽縣志

卷之十八

官績

奎

文宗升遐

今上卽位按誅權貴竄逐其附麗者希祖獨以廉節勁
正岸然峙於朝列其年十一月十日疾作遽卒子
晉又殤其聘妻則江右蔡梅菴太史之女聞其耗
卽衰絰入袁氏門矢志守貞以族人炳忠之子爲
後

石意恭字小魯幼卽能溺苦於學下筆爲文儻儻若
天馬脫銜性尤孝友道光庚子科解元甲辰成進
士以知縣卽用分發浙江權西安補龍游丁外艱

殿試以主事用籤分戶部河南司癸丑充會試對讀官
寶鈔所監督甲寅粵賊犯楚乞假省親歸至信陽
遇楊慰農制軍奉

命赴楚勦賊佐其營務處駐師楊店賊上犯至孝感三
汊埠距營十五里隨營商旅皆驚竄軍無見糧士
有潰志鹿鳴姻親家居楊店饒積穀單騎赴之勸
其捐穀助餉又募之近村得四百石通夕碾運一
晝夜達營將士驩呼勇氣百倍次日賊至開營出
擊大捷僉曰非丁君募精且不測丁君宜膺上賞

續輯漢陽縣志

卷之十八

宦績

奎

鹿鳴力辭刻章會武漢皆復制府命先往安撫漢
口未至已丁父憂號泣治窀穸五年江漢復陷攜
家避穀城六年服除襄樊土寇起奉母入都迂道
達山西以疾卒旅邸鹿鳴孝友誠敬率有父風崎
嶇寇難才用未展人咸惜之

劉世墀字彤陔幼穎慧能文年十七受知於前令趙
拔冠一軍補弟子員家世寒素侍重闈撫羣季皆
恃舌耕自給咸豐甲寅髮逆再陷漢陽乃投筆從
戎隨今侯相曾轉戰江右皖南歷數十寒暑以勞

績保教諭洊升知縣畱補安徽同治壬戌權蕪湖
事值邑新復賊氛密邇烽火相望瘡痍滿目世墀
督團練勇賑貧墾荒凡足以衛地方者毅然行之
不數月以母喪去官蕪之人攀轅卧轍不使去起
復後以直隸州知州需次皖省委辦廣德州開墾
事單車匹馬徧歷鄉陬雖盛暑酷寒不少憇卒爲
時疫所染差竣甫旋金陵遂以疾卒侯相憫其勤
奏請以軍營病故例議卹蓋異數也世墀天性豪邁慷
慨多大志思以經濟表見居官能自刻勵不染習

續輯漢陽縣志

卷之十八

宦績

奕

俗其在籍凡邑中盛舉能不避勞怨以求濟方邑
志甫議重輯卽慨然解囊以贊之壯志未伸而中
道遽殞惜哉